

四庫全書

子部

欽定四庫全書

御定淵鑑類函卷一百三十九

政術部十八

徵聘考試

辟召

徵聘一

不起附

原五反

三往

史曰伊尹隱居使人聘之五反然後肯徐庶謂先主曰諸葛孔明卧龍也可

就見不可屈致先主遂詣亮三往乃見

身勸

禮慰

高帝詔有稱明德者長吏必身勸為

之駕謂身自往勸以車駕而遣之黃瓊聘辟不應有司劾不敬詔命郡縣以禮慰遣之乃至

翹車

賁帛

詩曰翹車來招我以弓注聘士之車古者聘士以弓也易曰賁於丘園束帛戔戔

夢得

敷求

高宗夢傳說曰夢帝賚予良弼其代予言乃審厥象旁求諸野說築傅巖之野唯肖

敷求

蒲輪

蕙帳

漢以蒲輪徵枚生孔稚圭北山移文蕙帳空兮夜鶴怨

哲人

過式廬

詔為駕

魏文侯過段干木之廬式之哀帝徵龔勝曰徵賢者宜駕之詔為駕也

詳隱

詔時食

載上道

上詳選舉武帝詔樊英字李齊順帝備禮徵聘詔責郡

縣郡縣載上道到猶稱疾強與入殿猶不屈使就太醫致羊酒後天子為設壇席有司奉引賜几杖拜五官郎

將譚者初謂必不降志及引問又無奇謀深策帝失望

商山四皓

陳氏三君

漢四皓隱商山惠帝為太子為書卑詞安車迎以為客乃出陳寔父子世號三君每宰府辟命常同日至羔

鴈成羣巫掾交至當世榮之

賁然

沽諸

皎皎白駒賁然來思求善賈而沽諸

在谷

及門

仕進之門

鶴書

蒲帛

詔書

辟命

仄

席之求

軟輪之聘

賢遺林藪

帛賁丘園

縻之

好爵

寘彼周行

德成而上

祿在其中

旁求俊

人

兼濟天下

聘以尊賢

仕而貴義

聘丘園之

耿介

辟郡國之賢良

將弘濟濟之多

必在戔戔

之賁

用之則行舍之則藏

有道則見無道則隱

玄豹隱

霧雖欲退藏

白駒在場亦宜維繫

增叢桂

小草

王逸曰招隱士者淮南小山之所作也其詞曰桂樹叢生兮山之幽世說曰謝公始有東山

之志後嚴命屢臻始就桓公司馬於時人有餉桓公藥  
草中有遠志取以問謝此藥又名小草何一物而有二  
稱謝未即荅郝隆在座應聲曰處則為遠志出則為小  
草謝有愧色

俟時達變

冊府元龜

曰唐文宗開成元年制其有藏器俟時隱身巖穴奇節  
獨行可激風俗者各以名聞又曰梁太祖開平四年  
詔其有卓犖不羈沈潛自負通王伯之上畧達文武之  
大經究古今刑政之源達禮樂質文之變朕則待以不  
次委以非常給殿馬衣章服

冊府元龜曰德宗即位初以孔述睿為諫議大夫加

金章朱轡令河南尹趙惠伯齋詔書玄纁束帛以禮聘  
述睿既至召對於別殿特賜第宅給以殿馬為皇太子  
侍讀又曰貞元四年以陽城為右諫議大夫為憶

為憶

爾兄

就問其母

冊府元龜曰唐太宗時杜如晦弟楚客隱居嵩山貞觀四年召拜給事中

太宗謂曰為憶爾兄意欲見爾宜識朕意繼爾兄忠義也又曰田遊巖者雍州三原人初補太學錄事後罷

歸遊於太白山其母與妻子並有方外志意與遊巖同遊山水三十餘年後入其山就許繇廟東築室而居自

稱許繇東鄰高祖遣中書侍郎薛元超就問其母又親至其門遊巖山服出拜帝令左右扶之謂曰先生養道

山中比得佳否曰臣泉石膏肓煙霞痼疾既逢聖代幸得逍遙帝甚歡因勅遊巖就行宮授崇文館學士

兒孫拜鵲

處士聽雞

山堂肆考曰唐孔溫裕冀州人因直諫貶郴州有鵲迎於庭兒

孫拜之飛去墜下方寸紙上有補闕二字未幾徵還果有此拜事文類聚曰賴上常夷甫以行義薦朝廷官

之不起歐陽公晚年治第於賴思歸未得嘗有詩曰笑殺汝陰常處士十年騎馬聽朝雞公既致政而處士以

待制起

學行深純

經業優洽

通鑑曰安帝時陳忠薦周燮馮良學行深

純帝以玄纁羔幣聘之冊府元龜曰司馬才章博涉五經善緯候貞觀初太宗謂侍臣曰隋末學者凋喪儒教凌遲豈有後進之士經業優洽而未用者乎因徵才章及王琰王恭俱拜為博士適副朕心

誠如卿言

續文獻通考曰元英宗至治三年拜珠言趙居信吳澄皆有德老儒請徵用之帝喜

曰卿言適副朕心遂以居信為翰林學士承旨澄為學士又曰洪武七年上御武樓宋濂侍問曰天下雖定

朕猶垂意宿學之士卿知其人乎對曰會稽有郭傳者雖寄跡釋氏誠奇才也上曰傳之文可持至乎濂以其

文進上覽之曰誠如卿言即召見擢翰林應奉

迴紫洞之遊

齋玄纁以聘

冊府元龜曰明皇開元十四年敕曰前刑部員外郎嵩陽觀道士崔泌門承貴仕志慕玄宗頃辭簪紱之榮遂托萬塵之外棲遲隱約獨往忘歸宜迴紫洞之遊俾在青宮之列可太子洗馬下詳給廩馬注不

起原洗耳

圖形

許由隱於箕山竟聞其賢聘為九州長由聞其聲乃洗耳於潁川之側

後漢桓帝徵姜肱不至遣工圖其形狀肱卧幽室以被韜面竟不出

飲毒藥

哀明膏

公孫述持毒藥徵李僕僕曰欲誘我以高位重餌遂飲藥而死龔勝被王莽徵不食而死有老父來弔甚哀

曰膏以明自煎龔生竟天年非我徒也遂出不知其姓名

愍勞官職

穢累名

位昭帝徵涿郡韓福至年老賜帛冊書曰朕愍勞以官職之事大夫其歸修孝弟以教鄉里行道傳舍縣次

具酒食從者及長吏存問八月卒帝賜複衾祠以中牢七啓曰名穢我身位累我躬

稱名不

稱臣可見不可詘

後漢王霸字儒仲徵到尚書拜稱名不稱臣有司問其故霸曰天子

有所不臣李彊為益州牧謂揚雄曰吾真得嚴君平矣雄曰君備禮待之此人可見而不可詘及相見平不



敢請為從事

雖全獨行

且亂大倫

儒有特立獨行路曰不仕無義欲潔

子

其身而亂大倫

唐堯高許由之風

漢帝重嚴陵之志

上詳洗耳

注後漢嚴光字子陵光武欲授之官光曰昔帝堯大聖許由洗耳於河濱今臣欲敦箕山之操陛下遵帝堯

之跡光武雅重之

迷邦非仁

不仕無義

陽貨謂孔子曰懷其實而迷其邦可

謂仁乎

樂而無悶

寵則可驚

有輕軒冕

不事王

侯

不事王侯高尚其事

從吾所好

與子偕隱

雖勤五反之

命

終傲三旌之禮

宜欽高士之風

難奪匹夫之

志

與夫僂僂從公

未若逍遙樂道

偃仰以沐堯

曦樓遲而歌舜塗時有昏明理亂道包舒卷行

藏閉門却掃以慰餘年結宇幽巖時堪養性負

白駒之德亦既逢時蘊玄豹之心獨思避世抗高

尚之風則宜矯俗遇休明之日安可迷邦杖藜含

糗雅符三徑之歡飲水曲肱取逸一瓢之樂增畫

牛牧羊事文類聚曰梁陶弘景屢聘不出唯畫兩牛一牛散放水草之間一牛著金籠頭有人執

鞭以杖驅之帝笑曰此人欲效曳尾之龜豈可致之冊府元龜曰開元十三年以安車徵徂徠山逸人王希

夷赴都希夷徐州滕人孤貧好道父母終為人牧羊以牧傭供葬畢隱於徂徠山車駕東巡敦州縣召以敦禮

及至都年已九十六矣帝使中官扶入宮中與語大悅  
以年老道高不可屈以職事乃下制可朝散大夫守國

子博士聽

採藥

好酒

山堂肆考曰龐德公者居峴山之南平生不入城府劉表

致仕還山數延請不屈因釋耕於隴上妻子耘其前表指而問曰  
先生苦居畝畝而不肯官祿何以遺子孫乎公曰世人

皆遺之以危我獨遺之以安雖所遺不同未為無所遺  
也表歎息而去遂攜其妻子登鹿門山採藥不反

府元龜曰晉高祖天福四年徵鄭雲叟為右諫議大夫  
羅隱之賜號希夷先生隱之雲叟俱好酒能詩及長嘯

日攜酒就花木水石之間一酌一咏上聞其名  
故遣劉珣等齎書徵召其後雲叟稱疾不起

逃名

求死

山堂肆考曰東漢扶風法真博通內外圖典為  
關西大儒順帝欲致之四徵不出友人郭正稱

之曰真名可聞身難得見逃名而名我隨避名而名我  
追可謂百世之師矣續晉陽秋曰謝數字慶緒會稽

人初入太平山十餘年以母老還若耶山中徵博士不就初月犯少微占者以隱士當之戴逵居剡先數著名

人或憂之俄而數死故會稽人士以

三返十至

後漢

書曰光武備安車玄纁遣使聘嚴光三返而後至帖曰甄濟居青巖山採訪使苗晉卿表之諸府五辟詔

十至堅徵士聘君

文選曰德高徵而不就曰徵士韻府羣玉曰隱士不起者號

聘君指翔鴻教舞鶴

世說曰後魏郭瑀字元瑜少有拔俗之操張天錫備禮徵之使

至元瑜指翔鴻示之曰此鳥安可籠哉

事文類聚曰章聖幸汾陰回望林嶺間亭檻幽絕意非民俗所居時

魏野方教鶴舞俄報有中使至抱琴踰牆而走後寇萊公鎮洛凡三邀不至

守熏修寡

嗜慾

上詳第三條唐中宗詔冊府元龜曰明皇先天二年詔通事舍人禮徵處士范陽盧伯瑗伯瑗善

書畫屬文不婚娶寡者慾隱於嵩高使至稱疾不就徵所賜束帛亦辭不受

會淳風好

大言

冊府元龜曰開元六年徵嵩山逸人盧鴻至詔曰嵩山隱士盧鴻應辟而至訪之政道有會淳風特

宜與五品官授諫議大夫丙辰鴻以疾辭位又曰建中三年以潞州處士田佐時為右拾遺集賢院直學士

佐時偉容儀涉獵經史好大言黜陟使裴伯言薦之故拜官竟不起

踰牆而避 鑿坯

以遁

事文類聚曰段干木守道不仕魏文侯就造其門干木踰牆而避之侯過其廬則式潛確類書曰

魯君聞顏闔賢往聘之闔鑿坯以遁坯屋後之牆也

不如一老 何假百城

潛確

類書曰漢應曜隱於淮陽山中與四皓俱徵獨不至時人語曰商山四皓不如淮陽一老魏書曰李謐字永

和鄉黨有神童之號屢辭徵辟耽學守道每曰大丈夫擁書萬卷何假南面百城

白雲留住

明月無痕

潛確類書曰陳搏號希夷先生居華山宋太祖召之謝表曰九重仙詔休教丹鳳銜來一

片野心已被白雲留住

山堂肆考曰宋管師復龍泉人與弟師常俱有盛名從胡瑗遊師復自號卧雲先生

仁宗召至問曰卿所得何如對曰滿塢白雲耕不盡一潭明月釣無痕臣所得也竟不受爵命

送見

宰輔

致書丞相

祖登極召不至太宗召以羽服見於

延英殿顧問甚久送中書見宰輔

續文獻通考曰元

順帝至正三年徵處士杜本不至本在武宗時嘗召至

京師即歸隱武夷山下文宗聞其名徵之不起至是托克

托薦之使者趣至杭州固辭且致書丞相曰以萬事合

為一理以萬民合為一心以千

孤雲自飛

白璧可

載合為一日以四海合為一家

汚帝南巡過潯陽詔舉逸民左右強以應詔老人曰堯

仁如天孤雲自飛一水一石臣之樂也南康志曰晉翟法賜節繁尤佳武帝以散騎郎召客勉之就聘乃正色曰吾家不仕四世夷齊不厭薇蕨黃綺無悶山矣使白璧點污可乎

林南史曰阮孝緒天監十二年與吳郡范元珪俱徵不至袁峻謂曰往古天地閉賢人隱今世路已清而子猶遁可乎荅曰昔周德雖興夷齊不厭薇蕨漢道方盛黃綺無悶山林為仁由已何關人世所謂

不召之臣幸逢有道之朝續文獻通考曰元世祖至元二十八年徵劉因為集

賢學士辭不至因字夢吉容城人前徵為右贊善大夫尋辭歸至此復徵以疾固辭帝聞之曰古所謂不召之臣其斯人之謂歟又曰明太祖洪武四年召永豐劉于至便殿諭曰君子為學當見用於世朕將官之于曰幸逢有道之朝凡有血氣咸思效用但臣年齒已衰恐負天恩辭還山

徵聘二

增幅然改

孟子云伊尹耕於有莘之野湯三使往聘之幅然改曰與我處畎畝之中由是以樂堯舜

之道我豈若使是君為堯舜之君哉吾豈若使是民為堯舜之民哉就湯而說之以伐夏救民

原天

下歸心

武王舉逸民天下之人歸心焉

席珍待聘

禮記儒有席上之珍以待聘注席猶

鋪陳也陳上古之道

治國之道

白虎通曰天子聘求士者貪議治國之道

三旌之

禮

聘士之禮

乘私車

哀帝謂龔勝曰大夫乘私車來耶勝曰唯唯

增往來屑

屑

合璧事類云王良病歸就徵過友人不肯見曰不有忠言奇謀取大位何其往來屑屑不憚煩也

原執法檢下

郇愆世祖呂不至東平王蒼為驃騎將軍辟而應焉後朝會顯宗戲之對曰先帝秉



德以惠下故臣可得來驃騎執法以檢下故臣不敢不至月餘罷歸

乘柴車

韓康字伯休桓

帝徵不得已辭安車自乘柴車先使者行亭長以韓徵君當過發人牛治道適見康以為田叟也奪其牛康釋

駕與之使者至曰以法繩下李憲字季和少有高行奪牛翁即徵君也累辟三府不就景帝命

為從事中郎引見曰先君辟召不應今至何也對曰先公以禮見待憲得以禮進退明公以法繩下故憲懼法

而增不得已彙苑詳注云江夢孫先主聞其德業以幣帛聘之數四不得已乃起鳴

騶孔推圭北山移文云開學館以待士冊府元龜曰唐太宗初為

秦王徵求草莽置驛招聘皆自遠給安車續文獻通考云元成

而至因開學館以待四方之士遣使徵四人又云明太祖洪武庚子遣使徵

宗大德八年徵蕭對赴闕命有司給以安車

宋濂劉基章溢葉琛至金陵帝問陶安

不起增徵君

曰四人者何如安曰皆臣所不及也

後漢書黃憲傳憲初舉孝廉又辟

原不降其志

公府竟無所就天下號曰徵君

者伯夷

鳥獸同羣

孔子曰鳥獸

神龜曳尾

叔齊歟

不可與同羣

楚王使

周周謂使者曰吾

寧曳尾於塗中

增侯山

潛確類書云漢王元隱侯

山景帝再徵不屈就其山

封侯因名侯山宋之問

詩王元拜隱侯是也

原守箕山之志

王莽徵薛方

在上下有巢許陛下興唐虞之風臣

增被髮稱疾

傳云牛牢字君直世祖為布衣時講說識言云劉秀當

為天子世祖曰安知非我萬一果然各言爾志牢獨默

然世祖問之牢曰大夫立義不與帝友衆大笑及世祖

被髮稱疾  
不答詔命

側席幽人

後漢逸民傳光武側席幽人求之若不及旌帛蒲車之所徵賁

相望於巖中薛方逢萌聘而不肯至嚴光周黨王霸至而不能屈所謂舉逸民而天下歸心肅宗亦禮鄭均召

高鳳以

原願守所志

後漢周黨字伯況好清節被徵不得已乃著短布單衣穀皮綃

頭及引見伏而不謁自陳願守所志帝許之

爲賈自穢

王烈太守欲以爲長史烈爲商賈自

穢得

爭田自污

高鳳自言巫家以辭辟命復恐不免乃與寡嫂爭田以自污

抑

苟進之風

公車徵楊秉韋著並稱疾不至有司劾大不敬正罪周景邊韶等議秉以退讓爲節誠違

仄席之望然逶迤退跡是抑苟進之風明王之世必有不召之臣也

增再舉有道

後漢書云

申屠蟠字子龍再舉有道不就

觀乾象察人事

又云郭泰字林宗太原介休人司徒黃瓊

辟之客有勸仕進者對曰吾夜觀乾象  
晝察人事天之所廢不可支也遂不應

生行死歸

又云

魏桓字仲英桓帝時數被徵其鄉人勸之行桓曰夫干  
祿求進所以行志也今後宮千數豈可損乎廐馬萬匹  
其可減乎左右悉權豪其可去乎皆對曰不可桓乃慨  
然歎曰使桓生行死歸於諸子何有哉遂隱身不出

梁管之流

晉書云朱沖字巨容每聞徵書至  
即逃入深山時人以為梁管之流

宜使

身名並存

山堂肆考云戴逵字安道孝武徵之不就郡  
縣敦逼不已逃匿於吳謝玄上疏曰逵自求

其志今王命未回將罹風霜之患陞  
下既已愛而器之宜使其身名並存

賜公主邑司以

居

又云高宗顯慶四年徵孫思邈為諫議大夫固辭不  
受上元元年辭疾請歸特賜良馬及鄱陽公主邑司

以居

李源上陳情表

冊府元龜曰穆宗長慶四年七  
月以前河南府參軍李源為諫

焉

議大夫源澄之子代宗授河南參軍源遂絕酒肉不婚娶不役僮僕至是月帝命中使齎手詔一封絹二百疋赴東都賜之九月源上陳情表以高士召事文類聚且讓所賜絹以衰老竟不赴召云陸龜蒙

以高士召不至素善李蔚及當國召拜拾遺詔下而卒

野人未嘗至府廷

又云錢文

僖自樞密留守西都一日屏騎從步至午橋訪郭君隱者郭不知為錢相也至晚騎從來郭君亦不為動送及

門曰野人未嘗至府廷無從上謁錢相悵然謂諸公曰斯人視富貴為如何可愧也郭君名延卿年踰八十少

從張文定呂文穆公遊二公相繼入相薦於朝命以職官不出

召見不屈

聞見錄云康節與富

文忠早相知文忠初入相詔天下舉遺逸公意河南府必以康節應詔時文路公尹洛以兩府禮召見康節不

屈遂以福建黃景應詔文忠不樂奏天下尚有遺才乞再令舉詔從之王拱辰尹洛乃以康節應詔康節終不

起

讓老夫一著

潛確類書云蘇養直隱京口紹興間與徐師明同召養直不起師明造朝

時便道過養直留飲甚歡二公平日對奕徐高於蘇是日養直拈一子笑視師明曰今日還須讓老夫下此一

著師明有慙色

老疾固辭

續文獻通考云洪武十五年徵耆儒鮑恂等至京師上見之賜坐顧

問命為文華殿大學士恂等以老疾固辭

朝士皆驚

續文獻通考云吳康齋與弼英宗時徵上

謂李賢曰與弼當授以何職賢對曰今東宮講學宜授官僚次日召吏部命為左諭德朝士皆驚與弼疏辭謝

恩而去

### 徵聘三

增詔唐中宗神龍初詔曰敦夷齊之行可以激貪賞類

閔之道用能勸俗新除太子中書舍人王友貞德義淵  
藪人倫茂異學愛始於事親忠信表於行已富在文史  
廉於財貨久歷官位累聞課績及抗志塵外棲情物表  
深歸解脫之門誓守熏修之誠頃加徵命作護儲闡固  
在辭榮陳情懇至朕方榮獎廉退懲靜澆浮雖思廊廟  
之賢豈違山林之願宜加優禮仍遂雅懷

增表五代鄭遨稱疾辭諫議大夫表曰臣聞君子有應  
敵之方因時俯仰介士有不移之操與性逍遙康堯佐

舜者治道於君臣洗渭巢箕者寄形於天壤唯聖人之  
效業左庶物以由庠微臣學圃無成文場不調喪家室  
而有鰥在下悲身世而無處求生因投迹真玄委心虛  
靜長揖當塗之客羣居在野之人幽蘭以佩於重襟灌  
木用成於虛室或臨窗嘯傲或植杖耕耘樂在其中老  
而將至西山采藥已有詠歌北闕彈冠曾無夢想安期  
綸綍下及煙蘿夫功大者其任尊職充者其責重方今  
內服百工外拜五長百爾黎獻一存至公載惟清朝奚



急下士誠由陛下天網地絡容無所遺夏雨春風恩無  
不及青陽振其沈頽旭旦起乎幽棲將令匹微罔不率  
俾固宜勇別環堵言隨輯車拜丹地之明廷奉皂囊之  
清識東山心踊其如病何賤分隱淪減思聞見九徵而  
往雖有語於莊周三召不行獨無求於殷浩仰祈皇鑒  
俯宥愚衷

辟召一

增文獻通考曰漢武帝詔凡王侯吏職秩二千石者不

得擅補其州郡佐吏自別駕長史以下皆刺史太守自  
辟歷代因而不革 山堂考索曰漢選部有尚書自縣  
令以上始赴尚書調選其餘郡縣之屬吏至於公府之  
掾曹各自辟於其長其諸侯王國自內史以下亦皆得  
以自除是以朝廷無銓選之勞官府有薦賢之實賢否  
勤惰各察於其屬之長而黜陟之故幹佐曹吏拔於州  
縣者然後為五府所辟五府舉掾曹然後為朝廷所用  
推而至於公卿之尊初未始有限也故何武以大司空

辟鮑宣為佐曹掾史高領尚書事而辟匡衡為議曹吏  
此曹掾之辟於公府者也周景以刺史而辟陳蕃為別  
駕王渙以考城令而辟仇覽為主簿此屬之辟於郡縣  
者也是以士之修潔於家而聞譽達於朝廷往往辟書  
交至其門而無遺才此漢之選吏所以一付之公議而  
猶未至纖悉於法也 文獻通考曰東漢時選舉辟召  
皆可以入仕以鄉舉里選循序而進者選舉也以高才  
重名蹟等而升者辟召也故時人尤以辟召為榮云

又曰隋時六部以下官吏咸吏部所掌海內一命以上之官州郡無復辟署 又曰按唐仕多由科目然辟署亦時有之其法不一有既為王官而被辟者若張建封之辟許孟容李德裕之辟鄭畋白敏中之辟王鐸是也有登第未釋褐而辟者若董晉之辟韓退之是也有強起隱逸之士者若烏重胤之於石洪溫造張搏之於陸龜蒙是也 又曰宋時雖有辟法然白衣不可辟有出身而未歷任者不可辟其可辟者復拘以資格限以舉

主蓋去古法愈遠矣 續文獻通考曰元初諸王分地

與所授湯沐邑得自舉其人以名聞朝廷而後授其職

又曰明内外大小官員悉聽吏部銓除並無辟舉之

例

辟召二

原捐溝 焚山

後漢李充立精舍講授太守魯平請署功曹不就平怒乃援充捐溝中謫署縣

都亭長不得已起親職役後詔徵為博士時平亦為博士每與集會常歎服焉 太祖辟阮瑤瑤不就逃入山

中太祖使焚山得瑤即集賓使就技人列瑤鼓琴作歌太祖大悅

制服

設杖

司徒袁達

舉荀爽有道不應卒制服三年當世化以為俗鄭康成大將軍何進辟不得已詣進進為設几杖不受服以

幅巾而見

會葬

誄哭

黃瓊辟中屠蟠不就及卒會葬王修為表諱所辟不就

及卒誄哭之

懼法而來

夫人遂去

魏李憲詳徵聘漢司徒侯霸辟閔仲

叔至不及政事仲叔曰始蒙嘉命且喜且懼今見明公喜懼皆去以為不足問不當辟辟而不問失人遂去

名儒宿德

處士少年

劉矩再為太尉所辟召皆名儒宿德不與州郡交通崔

駟字亭伯寶憲辟為掾憲府貴重掾屬皆故刺史二千石崔駟以處士年少擢在其間

增琴書

山水

天中記曰鄭敬字次卿汝南人都尉逼為功曹辭病去於蟻陂之陽蓬廬葦門琴書自娛世祖

公車徵不行南史曰劉訐字彥度隱居求志本州刺史張稷辟為主簿不就主者敦召訐乃挂檄於樹而逃

與族兄歆並遨遊林澤以山水書籍相娛

下士用人

冊府元龜曰裴曾貶桐廬尉江西觀

察使李栖筠有重望虛心下士幕府盛選才彥觀察判官許鳴謙有學識一見胃心重之薦於栖筠奏授大理

評事又曰馬彝扶風人嗣曹王阜為襄陽節度善用人彝未知名阜始辟之卒以正直強幹稱隱

蘇門

遊剡溪

冊府元龜曰馬炫以儒學著名隱蘇門山李光弼鎮太原辟為掌書記又曰

齊抗少遊會稽剡溪中好讀書長於箋奏壽州刺史張鑑辟為判官閑吏事而敏於機鑑甚重之江

統知人

桓溫喜客

合璧事類曰晉江統字應元東海王越為兗州牧以統為別駕委以

州事統舉都覽為賢良阮修為直言程牧為方正時以為知人又曰謝安年四十餘桓溫請為司馬既到溫

喜甚言平生歡笑竟日安出溫問左右頗嘗見我有如此客否必欲得人豈以為

已資治通鑑曰陳寔出於單微鍾皓為郡功曹辟司徒府臨辭太守問誰可代卿者皓曰明府必欲得人西

府亭長陳寔可遂以為功曹言行錄曰范文正公辟歐陽脩於幕下脩曰吾嘗救范公豈以為已利竟不往

署為記室

徵為學士

冊府元龜曰房喬齊人唐太宗狗渭北一見便如舊識署

為記室叅軍

又曰李守素有實學高才為山東名族容儀魁偉性識通辨工談論文洞名理唐太宗平王世

充徵為學士署

護之紗籠

目為玉尺

記纂淵海曰張建封奏李

天策府倉曹

藩為判官有新羅僧能相人李判官至僧降階迎曰判官是紗籠中人宰相冥司以紗籠護之冊府元龜曰判

趙光逢幼嗜墳典勤守規簡議者目為玉界尺昭宗朝登進士第踰月辟度支巡官

太祖大會

莊宗公宴

冊府元龜曰李璵字公度太祖為元帥署為天下掌記一日大會將佐指璵曰此真



書記也

又曰周馮道瀛州人唐天祐中監軍使張承

業辟為本院巡官尋為伯府從事莊宗歸寧太原置酒

公宴謂張承業曰予今於此會取一書記先

王堯不

以卮酒辟之舉酒屬道遂署太原掌書記

就試

孔邈不赴職

冊府元龜曰王堯苦學善屬文以

崔瑾廉察湖南辟為從事

又曰孔邈兗州曲阜人乾

寧五年登進士第除校書郎以親舅獨孤損方在廊廟

避嫌不赴職謁羅紹

敬翔依王發

龍敏客馮道

冊府

威於鄴下辟為判官

元龜曰敬翔字子振好讀書尤長刀筆時梁太祖初鎮

大梁有支使王發者翔里人也翔往依焉與人為箋刺

傳知公鄉人有才不知書喜淺近語聞翔所作愛之謂發

敏又曰龍敏幽州人少為儒丐遊都邑唐莊宗定魏博

敏聞故人馮道為霸府記室乃客於河中館於道家監

軍使張承業從容謂道曰吾子鄉友南來何不相見遂得通刺承業即署敏為巡官典監軍奏記

### 辟召三

原禮賢者

禮記聘名士禮賢者

增三節

禮記云凡君召以三節二節以走一節以趨在

官不俟屨在外不俟車

以瑗荀子云聘人以圭聘士以璧召人以瑗

原徵同日

嚴延年亡命會赦丞相府御史府檄書同日到延年以御史府書先至遂詣御史府為掾也

增白

首一節

後漢書曰吳良字大儀東平王蒼辟為西曹薦良曰良資質敦固公方廉恪躬儉安貧白首一

節顯宗以良為議郎

收士心

記纂淵海云幽州牧朱浮年少有俊才欲厲風節收士心辟召州中

名宿皆引置幕府

原召同時

陳寔子紀謚並著名每辟召常同時豫州百姓皆圖畫寔紀謚

形像詳

徵聘 詐軍書

大將軍何進聞邊讓才名欲辟之恐不至乃詐以軍書徵召既至署為令

史

增三府選掾屬

文獻通考云安帝元初六年詔三府選掾屬高第能惠利牧養者五

人

稱疾避胡廣

合璧事類云胡廣所辟命皆天下名士與故吏陳蕃李咸並為三司蕃等

每朝會稱疾避廣時人榮之

原辟親民之吏

左雄字伯豪上疏言鄉部親民之吏清白

從政者請寬其資算增其秩祿吏職滿歲宰相州郡乃得辟舉官豎不便之竟不用也

增選辟

至列卿郡守

文獻通考云魯恭傳恭再在公位選辟高第至列卿郡守數十人

不就

辟舉

後漢書云許劭汝南平輿人初為郡功曹後司空楊彪辟舉方正敦樸皆不就

原留祕

閣之吏

魏王凌請王基為別駕後基為祕書郎凌復請還司徒王朗與交書曰家臣之良則升公輔公

臣之良則入王職今留祕閣  
之吏所希聞也凌猶不遣

增委贊事人復何容易

文獻通考云曹爽辟王沉羊祐沉勸祐  
應命祐曰委贊事人復何容易不就

百六掾

晉書云瑯

瑯琊王睿辟掾屬百餘  
人時人謂之百六掾

原五府交辟

三公屢辟

晉周震屢

為三公所辟魏舒  
為司徒復命之

增恐餘波見漂

晉書韋忠字子節  
裴頠為僕射數言

之於張華華辟之辭疾不起人問其故忠曰茂先華而  
不實裴頠欲而無厭棄典禮而附賊后豈大丈夫之所  
宜行耶裴嘗有心託我常恐洪濤蕩蕩  
餘波見漂況可臨尾閭而窺沃焦哉

有公侯器

府冊

元龜云呂元膺鄆州東平人質度瓌偉有公侯之器建  
中初授陝州安邑尉同州刺史侯鐫聞其名辟為長春

官判

口對響應

又云杜佑字君卿京兆萬年人  
仕潤州刺史韋元甫未之知以故

人子待之他日元甫視事有疑獄不能決試訊於佑佑口對響應皆得其要元甫奇之及為浙西觀察淮南節度皆辟為從事深委之

結廬種樹

又云實常字中行大歷十四年登進士第寓居廣陵之柳

村結廬種樹不求苟進以講學著書為事凡二十年不出貞元十四年杜佑鎮淮南奏為節度參謀

析無滯

又云程昇為華州鄭縣尉精於吏職剖析無滯杜雍刺同州辟為賓佐

以文章

稱唐書云權德輿傳德輿未冠以文章稱諸儒間韓洄李兼杜佑裴胄交辟之

往從可人

孔帖云溫造隱王屋山壽州刺史張建封聞其名書幣招禮造欣然曰可人也往從之

文檄豪

健唐書云裴度表舒元興掌書記文檄豪健一時推許

不求聞達

冊府元龜云薛戎少有學

術不求聞達居陽羨山辟江西從事府罷歸山柳冕為福建觀察辟戎為從事

風槩遠馭

記

淵海云牛僧孺鎮揚州辟杜牧為節度府書記數年召拜侍御史僧孺餞之曰以御史風槩遠馭固當自極夷

塗

善言物理

舊唐書杜亞京兆人善言物理及歷代成敗之事杜鴻漸為河西節度辟為從

事

不應厚幣

孔帖云韋貫之補伊闕渭南尉河中鄭元澤潞郡士美以厚幣召皆不應

蘭亭絕唱

唐書云元稹長於詩在越時辟竇鞏鞏亦工於詩與之酬和號蘭亭絕唱

後為

名相

冊府元龜云鄭朗字有融長慶元年登進士科覆落柳公綽鎮襄陽首辟之朗後為名相

就

其家拜

又云羅讓丁父憂喪服既除麻衣茹荼不從四方之辟者十年李鄜為淮南節度就其家拜請

從事除監

遊處未嘗相捨

又云李商隱少有奇才令狐楚罷相歷汴州興元節

度辟為從事遊處之間未嘗相捨

小朝廷

又云鄭從諫罷相為太原尹奏劉從龜為節度判官

趙從為觀察判官李渥充掌書記開幕之盛冠於一時中朝瞻望者目太原為小朝廷言名人之多也

張夫子至

又云梁張策為膳部員外郎韓建領許州為掌書記天復中奉其主書幣來聘太祖見而

喜曰張夫子至矣即奏為掌記

作通鑑

合璧事類云司馬光作通鑑英宗命置局祕閣以其所素

賢者劉恕祖為屬又奏其子康檢閱文字

朋友亦不可辟

記纂淵海云范文正公言

幕府辟客須可為師者乃辟之雖朋友亦不可辟

辟置將佐官屬

文獻通考云宋高宗

建炎初兵革方殷詔河北招撫使河東經制使及安撫等使皆得辟置將佐官屬

許監司選

辟

續文獻通考云宋理宗景定二年詔有連年缺正官處許監司選辟

於舉人內選

經濟

類編云呂誨請藩鎮帶安撫使處許於本路舉人內選有行實曾得文解者歲辟一人權本州司士參軍且令

差使觀其能效可以遠用候滿三考保薦聞上或賜以本科出身然後隨其署使必能適用與夫科場較藝取其一日之長

### 五品以上辟舉

續文獻通考云金宣宗貞祐三年詔河北州縣

其效遠矣  
官令文武五品以上辟舉

### 辟舉縣令

又云哀宗正大元年立辟舉縣令法令監察御史先訪隨

朝七品外路六品以上官可為舉主者然後移文使舉所知是時雖迫危亡而縣令號得人

## 考試一

增禮記曰比年入學中年考校

周禮三歲大比乃考焉

記纂淵

海曰漢射策與對策不同射者隨其所問而釋之對者顯問以政事經義觀其所對文詞定高下文獻通考



曰唐制取士凡明經先帖文然後口試經問大義十條  
答時務策三道凡進士試時務策五道帖一大經容  
齋隨筆曰唐以賦取士而韻數多寡平側次序元無定  
格自太和以後始以八韻為常山堂肆考曰宋雍熙  
二年詔禮部試九經諸科輪番差官二人在省門監守  
此試院監門之始也又曰祥符中試前一日貢院始  
出榜曉示逐人排坐位處所謂之坐位榜此後世席舍  
之始也事文類聚曰本朝祖宗以來進士過省赴殿

試尚有被黜者遠方寒士殿試下第貧不能歸多至失  
所有赴河而死者仁宗聞之惻然自此殿試不黜落雖  
犯亦收之末名 玉海曰路授為長賦張方平擯斥而  
其文遂正劉幾為僻句歐陽脩革去而其風復雅

## 考試二

原先論

後使

禮記凡官人材必先論之謂論其德行  
道藝辨論然後使之辨謂考問得其

定也 孝弟

銓度

周禮曰族師讀邦法書其孝弟  
睦婣有學者國語稱物銓度

九

徵

六藝

莊子曰遠使觀其忠近使觀其能煩使觀其  
才卒問觀其智急與之期觀其信委之以財

觀其仁告之以危觀其節醉酒觀其則雜處  
觀其色九徵至而不肖人得也六藝掄材

大比

上第

周禮小司徒職曰三年大比考其德行  
道藝下詳後引文明者為高說注中

言揚

試可

禮記或可以言揚  
書曰試可乃已

錄用

登庸

素瑕錄  
用素瑕錄

覆不改

恥不試

後漢左雄令舉吏先試公府覆之端門張盛  
奏除之黃瓊云將以覆實不可改也晉甘

卓舉桂陽谷儉一人到臺遂不  
試儉恥州少士試高第除郎中

引文明者為高說

依科罷者為次第

徐防謁卿上疏五經宜從其家章句  
開五十難以試之解釋多者為上第

引文明者為高說

漢獻詔官儒生下第者詔曰孔子  
歎學之不講則所識日忘今者儒年踰六十去本土營

糧食不得專業幼童入學白首空歸永絕榮望  
朕甚愍之其依科罷者聽同次第為太子舍人

刈薪

拾芥 權其得失 覆以能否 四術崇儒 九流

考藝 詢事考言 循聲責實 考覈既有司 僭

濫寧由多士 一發之初雖失正鵠 百鍊之後方辨

精鋼 君子立身道惟難進 主司取士才不易知

射策之初中正鵠而後取 掄材之際審輪轅而必分

懸藻鑒之鏡而取上才 蘊撞鐘之鳴以待下問

增設廉 更衣

玉海曰寶元中詔省試設廉於都堂之中樞施帘幕於東西偏以限內外舉子

進質疑義毋令近廉以防其私而御試考較分上中下等初考以朱覆考以墨 續文獻通考曰金泰和元年

省臣奏搜檢之際至於解髮袒衣索及耳鼻豈待士之禮故大定三十九年使就沐浴官製衣更衣既可防濫

且不虧禮

明水

彩霓

試問奇類林曰唐貞元中陸宣公主試明水賦御溝新柳詩得韓愈

歐陽詹等皆天下英雋偉傑之士號龍虎榜又曰范景仁善文賦參知政事王公薦召試學士院詩用彩霓

字以沈約郊居賦雌霓連蜺讀為入聲謂景仁為失韻由是除館閣校勘殊不知約賦但取便美非霓不可讀

為平聲也學者皆為憤而景仁處之晏然

棘圍

蘭省

五代史曰進士每放榜則圍以棘詳

見貢舉一多放才名注彙苑詳注曰進士試於禮部者俗稱為蘭省

公正

諳練

府

元龜曰韓休為起居舍人奉制考試舉人策執心公正取舍平允不為豪右所奪遷給事中又曰韋陟為禮

部侍郎好接後輩尤鑒於文雖詞人後生靡不諳練曩者主司取與皆以一場之善不盡其才陟先令舉人自

通所工詩筆先試一日知其所長然後依常式考覆片善無遺美聲盈路

執理

用情  
府冊

元龜曰代宗大歷中常袞為禮部侍郎時宮中劉忠翼權傾內外涇原節度馬璘累著功勲恩寵莫二各有親戚貢舉及兩館生袞俱執理不與人皆畏之文獻通考曰宋太祖開寶六年李昉知貢舉取宋準等十一人會有所昉用情取人者上乃令籍終場下第人姓名皆召見擇其一百九十五人并準以下乃御講武殿各賜紙札別試詩賦命殿中侍御史李慕等為考官昉等坐責自茲殿試遂為常式

茶酒

袍笏

冊府元龜曰寶應六年御宣政殿親試舉人有司常食外更賜御廚珍饌及茶酒禮甚優異將夕有策未成者命大官給燭令盡其才思文獻通考曰太宗太平興國二年上初即位禮部上所試合格人姓名上御講武殿覆試命李昉扈蒙定其優劣為三等得呂蒙正以下一百九人越二日覆試諸科得三百餘人並賜及第皆

賜綠袍靴笏賜宴開寶寺上自為詩二章賜之

無異同

以關節

資治通鑑曰元和三

年夏上策試賢良方正直言極諫舉人伊闕尉牛僧孺陸渾尉皇甫湜前進士李宗閔皆指陳時政之失無所

避吏部侍郎楊於陵吏部員外郎韋貫之為考策官貫之署為上第上亦嘉之李吉甫惡其言直泣訴於上上

不得已罷貫之為果州刺史以於陵為嶺南節度坐考策無異同也僧孺等久不調各從辟於藩府又曰右

補闕楊汝士禮部侍郎錢徽掌貢舉西川節度使段文昌翰林學士李紳各以書屬所善進士於徽及榜出皆

不預文昌言於上曰今歲禮部殊不公所取進士皆子弟無藝以關節得之上以問諸學士皆曰誠如文昌言

乃令中書舍人王起等覆試詔黜十人徽汝士坐貶

署一等

置甲科

孔帖曰張說永

昌中武后策賢良方正詔吏部尚書李景諶糊名較覆說所對第一后署一等又曰獨孤授舉博學宏詞吏

部考當乙于邵覆之  
置甲科人咨其公

最切直

不忌諱

記纂淵海曰  
蘇轍舉直言

考官以為不當收司馬光言轍於同科四人言最切直  
不可不收仁宗曰求直言而以切直棄之天下其謂朕

何續文獻通考曰洪武十八年上御奉天殿策試舉  
人練子寧對策言甚剴切不顧忌諱上嘉之擢第二

試使臣

考宗室

玉海曰三班使臣試兵書自熙寧  
三年雷珣始又曰元豐二年命

知制誥張璪光祿丞陸  
佃於祕閣考試宗室

不下一字

已私八人

冊府元龜

曰明皇時宋遙與苗晉卿俱為吏部侍郎天寶二年有  
張爽者御史中丞倚之子不辨菽麥假手為判時升甲

科會下第者以其事白於安祿山因具奏之帝乃大集  
登科人御花萼樓親試升第者十無一二焉爽手持試

紙竟日不下一字時謂之電白帝大怒遙晉卿既受責  
乃貶倚淮陽郡太守孔帖曰溫庭筠才思神速每為



人作文大中末試有司廉視尤謹庭筠  
不樂上書十餘言然私占授者已八人

誠有詞華

驟為險怪

上見貢舉第一王師旦注

問奇類林曰宋劉

陽公深惡之公知貢舉有舉子論曰天地軋萬物茁聖  
人發公曰此必劉幾硃筆橫抹之後數年公為御試考  
官試堯舜性仁賦有賦云靜以延年獨高五帝之壽動  
而有勇刑為四罪之誅公大稱賞及唱名迺係劉幾潛  
易名為輝也公

不能住宿

請恣尋檢

文獻通考曰杜正元開皇

悵然者久之

中舉秀才試策高第時海內惟正元一人舉秀才餘常  
貢者隨例銓注訖正元獨不得進止曹司以策過楊素

素怒曰周孔更生尚不得為秀才刺史何妄舉此人乃

使擬上林賦聖主得賢臣頌燕然山銘劍閣銘白鸚鵡

賦曰我不能為君住宿可至未時令就正元及時並了  
素大驚曰誠好秀才又曰肅宗乾元初中書舍人兼

禮部侍郎李揆試進士日於庭中設五經諸史及切韻書於牀而引貢士謂之曰大國選士但務得才經籍在茲請恣  
尋檢  
桂林一枝  
崑山片玉  
晉書曰郗詵遷雍州刺史帝曰卿自以為

何如對曰臣舉賢良對策第一  
猶桂林一枝崑山片玉帝笑之

賦落韻不詳  
論捨

註立異

文獻通考曰真宗景德二年進士李迪與賈邊皆有聲場屋及禮部奏名而兩人皆不與考官

取其文觀之迪賦落韻邊論當仁不讓於師以師為衆持奏令就御試王旦議落韻者失於不詳審捨注疏而立異不可許遂  
取迪而黜邊  
嘉祐間尚西崑體而歐陽首取古文

紹聖後尚王氏說而陳瓘多取史學

考試三

原考行察藝

周禮考其德行察其道藝

待問

禮儒有彊學以待問

待語

禮記

曲藝皆誓之以待又語

辨論官材

考其材也

增南院東牆

國史補云唐舊

制都省考試南院放榜南院東牆別築起一堵高大餘未辨色自北院將榜南院張之

原考功

式

諸州及國子監貢舉人試官須對長官判官共加考試至省及第不成分數者其罪以長官為從雖未成

分落第人內有帖試俱不通一者亦依不成分例

考課令

考課令進士試時務策五條帖六經

通四其策文辭順序義理愜當并帖經文通者為第帖策全通為甲第諸秀才試方畧策五條文理俱高者為

上上文高理平理高文平者為上中云云

增對益工

孔帖云崔沔擢賢良高第不中者皆之武

后勅有司覆試對益工遂為第一

文詞清典

登科記云永昌元年應舉綜古今科一人張說

第三等考策日封進令曰洛州人張說文詞清典雅能優裕金門對策已列高科之首銀榜放官宜加一命之

秩

郎官權輕

主俊秀科昂性剛急集貢士曰有請託

當悉黜之既而昂外舅薦李權於昂昂怒召權庭數之又斥權章句之疵權曰鄙文不臧已聞命矣執事詩云

耳臨清渭洗心向白雲間今天子不揖遜於下而洗耳何哉昂訴於執政朝廷以郎官權輕自是改用禮部侍

郎

年甚少

孔帖云鄭畋舉進士時年甚少有司上第籍武宗疑索所試自省乃可奏為宣武推

官

納試紙

山堂肆考云後唐明宗勅舉人試前五日納試紙用中書省印印訖付貢院

御試自此始

錦繡萬花谷云開寶六年因徐士廉伐鼓訟不公帝御講武殿覆試御試自此始賜

詩自興國二年呂蒙正榜始分甲次自興國八年王世則榜始及第日賜袍笏自祥符中姚曄榜始賜宴自呂

蒙正榜始賜同進士出身自王世則榜始唱名自雍熙二年梁顥榜始彌封謄錄覆考編排皆始於祥符景德

之間  
**出題二十字**  
文獻通考云五年趙昌國求應百篇舉上出題二十字曰松風雪月天花

竹鶴雲煙詩酒春池雨山僧道柳泉各令賦五篇篇八句逮日盱僅數十首率無可觀上以此科久廢特賜及

第以勸  
**相率叩殿楹**  
容齋隨筆云淳化三年太宗試進士出庖言日出賦題孫何等

不知所出相率叩殿楹乞上指示之上為陳大義至大中祥符元年試禮部進士內出清明象天賦等題仍錄

題解摹印  
**詩賦五篇**  
言行錄云楊億年十一以童子召對詩賦五篇下筆立就太宗

歎異授正字制曰汝在髫髻不煩師訓精爽神助文學生知越景絕塵一日千里有望於汝也  
**禮部**

**糊名**  
文獻通考云真宗景德四年令禮部糊名考試校先糊名用之殿試今復用之禮部也  
**試六**

論合璧事類云夏竦授丹陽主簿上書乞應制舉真廟  
召赴中書試六論一曰定四時別九州聖功敦大論

二曰考定明堂制度論三曰光武二十八將功業相先  
後論四曰九功九法為國何先論五曰舜無為禹勤事

孰優論六曰曾參  
何以不列四科論  
京師傳狀元筆談云嘉祐中未御  
試京師傳王俊民為

狀元莫知言所起及御試王荆公楊樂道為詳定官舊  
制詳定官不得立等荆公以覆考官所定第一人未當

別取一人為狀元樂道以為不可議論未決遂各  
以已意進稟詔從荆公之請及發封乃王俊民也失

者稱善蘇軾送孫勉詩云親程三郡士玉石  
不能街欲知君得人失者亦稱善  
六韜非

全書宋史熙寧八年詔武舉與文舉進士同時鎖試於  
貢院以防進士之被黜而改習者又以六韜本非

全書止以孫  
吳書為題  
試學官記纂淵海云元豐七年立法試  
學官上等為博士下等為正錄

願授教  
授者聽

獨景仁避不肯言

問奇類林曰范忠文公景仁善文賦場屋師之補國

子監生及貢院奏名皆第一故事殿廷唱第過三人則奏名首者必抗聲自陳以祈恩皆以是得升第一甲獨

景仁避不肯言左右屢趨皆不應至七十九人始及徐出拜命而退訖無一言

詩才敏妙文續

獻通考曰遼道宗清寧六年以馬希白詩才敏妙十吏書不能給召試之

題難金史云世

九年謂宰臣曰題難則名儒可擅場題易則庸流易僥倖也

作程文

續文獻通考云章宗承安

五年詔考試詞賦官各作程文一道為舉子式

## 考試四

原詩梁劉孝溉等儀賢堂監策秀才聯句詩曰雄州試

異等揚庭乃專對碩學類括羽奇文若錦績

劉

考滋蘭

成秀晚照車光赤珮攝官惡窺帶疲痾謝名輩

盧

乙奏

飲餘列甲科光往載深奇無絕蹤孫董有遺槩

伏

春風

涵宛轉還光乍明昧列秀總中筵羣才盛皇代

王

如輪

疾影響裁蒲啓矇昧雕龍既已彰青紫行當佩

王

褒然

既玉響高粲亦蘭綈廣川良易追淄水非難配貢士光

相門搜賢盡幽塞善說理無窮借書心靡誨來彥名東

西翼亮更出內康哉信在今伊余事耕耒 增宋夏竦




對策詩曰殿上衮衣明日月階前旗影動龍蛇縱橫禮  
樂三十字獨對丹墀日未斜 蘇軾催試官作曰八月  
十五夜月色隨處好不論茅簷與市樓況我官居似蓬  
島鳳唼堂前野菊香劒潭橋畔秋荷老八月十八潮壯  
觀天下無鯤鵬水擊三千里組練長驅十萬夫紅旗青  
蓋互明滅黑沙白浪相吞屠人生會合古難必此景此  
時那兩得願君聞此添蠟燭門外白袍如立鵠 元虞  
集廷試詩曰待漏宮門聽鑰開袖中進卷總賢才奏名

殿裏千花合傳勅階前好雨來 又曰千花覆檻柳垂  
絲畫刻傳呼淑景移聖主自觀新進策侍臣簪筆立多  
時

增狀唐白居易重試進士奏狀曰禮部試進士例用書  
策兼得通宵得通宵則思慮必周用書策則大字不錯  
昨重試之日書冊不容一字大燭又計兩條迫促驚忙  
幸皆成就若比禮部所試事校不同

增序唐柳宗元送苑論登第歸覲序曰觀其掉鞅於術

藝之場遊刃乎文翰之林風雨生於筆札雲霞發於簡牘左右圍視朋儕拱手其可壯也



御定淵鑑類函卷一百三十九

# 欽定四庫全書

子部

御定淵鑑類函卷一百四十一

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣馮培

謄錄監生臣周丕

欽定四庫全書

御定淵鑑類函卷一百四十

政術部十九

薦舉

薦舉一

原初學記曰大戴禮曰古者諸侯貢士一適謂之好德  
再適謂之賢賢三適謂之有功乃加九錫不貢士一則  
黜爵再則黜地三則黜爵地畢矣

爵地俱  
削盡也

白虎通曰

諸侯所以貢士於天子者進賢勸善者也天子聘求之

者貪義也治國之道得賢則治失賢則亂故月令季春之月開府庫出幣帛周天下勉諸侯聘名士禮賢者有貢者復有聘者以為諸侯貢士庸者貢其身盛德者貢其名及其幽隱諸侯所遺失天子之所招故聘之也周官小司徒之職三年則大比考其德行道藝而興賢者能者鄉老及鄉大夫帥其吏與其衆寡以禮賓之厥明鄉老及鄉大夫羣吏獻賢能之書於王王再拜受之登於天府內史貳之退而以鄉射之禮五物詢衆庶一曰

和二曰容三曰主皮四曰和容五曰興舞此謂使民興  
賢出使長之使民興能入使治之漢書博士官置弟子  
五十人復其身郡國縣官有好文學二十石謹察可常  
與計偕詣太常得受業如弟子一歲皆輒課能通一藝  
以上補文學掌故缺其高第可以為郎中太常籍奏即  
有秀材異等輒以名聞昭帝時舉賢良文學增博士弟  
子員滿百人又歲課甲科四十人為郎中乙科三十人  
為太子舍人丙科二十人補文學掌故先是武帝詔丞

相御史列侯中二千石諸侯相舉賢良方正直言極諫之士令州察吏人有茂材異等可為將相及使絕國者命郡國舉孝悌有行義聞於鄉里者令三輔太常舉賢良郡國舉高第自此公卿大夫士吏彬彬多文學之士此薦舉之制 增山堂考索曰舜命禹為司空而禹則遜之稷契皋陶命垂為共工而垂則遜於殳斯伯與益之遜於朱虎熊羆伯夷之遜於夔龍與四岳之薦鯀此皆古之薦舉也春秋時趙簡子貢賢不避仇祁奚之兩



舉其子不以私而害公漢初薦士無定法韓信則蕭何薦之陳平則魏無知薦之賈誼則吳公薦之宰相薦士或起家至二千石甚者趙綰為御史大夫王臧為郎中令皆自田竇推轂之功武帝欲殺其權遂置加官出入內庭以薦導人物如司馬相如朱買臣主父偃之徒皆侍中之所薦而丞相遂不得薦士公孫弘雖開東閣而亦不聞薦士也光武詔三公至州牧舉茂才孝廉郡國守相未滿歲不得薦舉則薦舉漸有法矣三國周瑜之

薦魯肅呂蒙之薦陸遜各推其才而後舉唐常何之薦馬周一聞其名而即日促召婁師德之薦狄仁傑狄仁傑之薦張柬之張說之薦張九齡為祕書裴度薦李德裕之才堪宰相裴垍不以故人之求舉而傷朝廷之至公德宗疑諸司所舉必親故而陸贄拳拳言之且欲請臺省長官各舉所屬此唐薦舉之大畧也祖宗時於簿尉舉幕職於幕職舉京官皆親閱班部擇舉主而任之而舉官初無常員也選人磨勘率一歲僅數十人是薦

舉無定數也 賓興總論曰太祖起自淮濠定鼎金陵

平一天下凡所任用輔佐之臣無非薦舉辟召如宋濂  
劉基章溢葉琛則胡大海所薦也王禕王大錫則李文  
忠所薦也洪武中所行今科舉法每科所取不過數十  
人而與薦辟之士同登並用下至正統景泰間猶如故  
也以故楊文貞以白衣薦舉歷編修而入內閣吳思菴  
以儒醫薦舉歷御史以至都憲況鍾以吏才薦舉仕至  
蘇州知府並為一時名臣自後進士之科日重薦舉之

塗漸淹至天順初吳康齋之一薦舉世驚訝而康齋亦不敢安於其位薦舉之事自後絕響 原尸子曰人知用賢之利也不能得賢其何故也夫買馬不論足力以白黑為儀必無走馬矣買玉不論美惡以大小為儀必無良寶矣舉士不論才而以貴勢為儀則伊尹管仲不為臣矣

薦舉二

原吕氏春秋曰百里奚之未遇時飯牛於秦傳鬻以五

羊之皮公孫枝得之獻諸繆公三日請屬事焉公曰買之五羊之皮而屬事毋乃為天下笑乎枝曰信賢而任之君之明也讓賢而下之臣之忠也境內將服夫誰暇笑哉遂用之謀無不當舉必有功 說苑曰楚令尹虞

丘子舉孫叔敖於楚王曰舉而授之政國可使寧莊王以孫叔敖為令尹少焉虞丘子家干法叔敖執而戮之虞丘子喜入見於王言孫叔敖果可使持政奉國法而不黨施刑戮而不亂可不謂公乎莊王曰夫子之賜也

新序曰虞丘辭位進孫叔敖楚莊王晏朝樊姬問莊

王曰但與賢相語不知日也 禮記曰趙文子所舉於

晉國管庫之士七十有餘家生不交利死不屬其子焉

增左氏傳曰魏獻子為政賈辛為祁大夫將適其縣

見於魏子魏子曰辛來昔叔向適鄭驥茂惡

即鄭然明

欲觀

叔向從使之收器者而往立於堂下一言而善叔向將

飲酒聞之曰必驥明也下執其手以上曰子少不驥子

若無言吾幾失子矣言之不可以已也如是遂如故知

今汝有力於王室吾是以舉女行乎敬之哉毋墮乃力

原吳越春秋曰孫子者吳人名武善為兵法僻隱幽

居世人莫知其能子胥明於識人知武可以折衝一旦

與吳王論兵乃薦孫子吳王問以兵法每陳一篇王不

覺口之稱善 史記曰王稽使於魏問鄭安平魏有賢

人可與俱西乎安平曰臣里中有張祿先生欲見君言

天下事王稽知其是范雎也乃載以入秦

詳奉使

漢書

曰韓安國為人多大畧知足以當世取舍而出於忠厚

貪嗜財利然所推舉皆廉士賢於已者 又曰衛將軍  
張安世薦蘇武明習故事奉使不辱命先帝以為遺言  
宣帝即時召武待詔宦者署數進見復為右曹典屬國  
以武著節老臣令朝朔望號稱祭酒 又曰薛宣知翟  
方進有宰相器深結之方進竟代宣為丞相免二歲方  
進薦宣明習文法上徵宣復爵 漢雜事曰辛慶忌為  
酒泉太守大將軍王鳳薦慶忌正直仁勇通於兵事柱  
國石臣鳳不宜久處其右上乃復徵為光祿大夫執金



吾 漢書曰何武為人仁厚好進士稱人之善為楚內  
史厚兩龔在沛郡厚兩唐為公卿薦之朝廷此人顯於  
世者何侯力也 東觀漢記曰杜林字伯山為侍御史  
先與鄭興同寓隴右乃薦之上徵興為大中大夫 又  
曰東平王蒼薦吏吳良上以章示公卿曰蕭何薦韓信  
設壇即拜不復考試以良為議郎 又曰陳寵字昭公  
為尚書寵性純淑周密重慎時有所表薦輒自手書削  
草 後漢竇章傳曰章字伯向少好學有文章與馬融

崔瑗同好更相推薦章薦馬融文云奕世不刊之文斷  
金之良佐 增玉海曰後漢龐參字仲達為左校令先  
零反御史中丞樊準薦參曰鷙鳥累百不如一鶚 原  
續漢書曰虞詡以左雄有忠節上疏薦之曰伏見議郎  
左雄數上封事實有王臣蹇蹇之節宜擢在喉舌之官  
必有匡弼之益由是拜雄尚書 又曰橋玄為司空轉  
司徒素與南陽太守陳球有隙及在公位而薦球為廷  
尉 三輔決錄曰游殷為郡功曹有童子張既為書佐

殷察異之具設賓饌以子楚託之後魏王以既為雍州  
時漢興郡闕王以問既既稱楚文武奇才遂以為漢興  
太守 魏志曰潁川盧志才籌畫士也早卒太祖與荀  
或書曰自志才亡後莫可與計事者汝潁固多奇才誰  
可以繼或薦郭嘉召見論天下事太祖曰使孤成大業  
者必此人也表為司空軍祭酒 吳志曰孫繇字正禮  
兄岱字公山平原陶丘洪薦欲令舉茂才刺史曰前年  
舉公山奈何復舉正禮乎洪曰若明使君用公山於前

擢正禮於後所謂御二龍於長塗騁騏驎於千里不亦可乎 徐廣晉紀曰張華少自牧羊而篤志好學初為

縣吏盧欽奇其才數稱薦之 王隱晉書曰杜夷隱身

不仕鎮東軍司顧榮等薦夷於相國府元帝以為儒林

祭酒 增冊府元龜曰李勣武德初為左監門大將軍

時張亮為定州別駕勣數薦亮於太宗房玄齡亦言之

於是引為車騎將軍漸蒙顧遇委以心膂 又曰房玄

齡為秦王府記室時秦府兵曹杜如晦改陝州長史玄

齡白秦王曰餘人不足惜杜如晦聰明敏達王佐才也  
若使守藩無所用之必欲經營四方非此人莫可 又

曰劉仁願為熊津都督既破百濟至京師高宗謂曰卿  
在海東前後請奏皆合事宜而雅有文理卿本武將何  
得然也對曰皆劉仁軌之詞非臣所及也帝深歎賞之  
因超加仁軌六階正授帶方州刺史 又曰李嶠為內  
史薦李邕詞高行直堪為諫諍之官繇是召拜拾遺  
山堂肆考曰唐張說字道濟開元中為中書令多引天

下名士佐佑王化粉澤典章始知集賢院嘗薦張九齡  
可備顧問說卒上思其言召九齡為祕書少監集賢院  
學士 孔帖曰郭翰嘗為御史巡察隴右多所按劾至  
寧州狄仁傑為刺史民爭言有異政翰謂僚屬曰入其  
境其政可知願薦使君美於朝毋久留即命駕去 冊  
府元龜曰姜皎太常卿薦源乾曜公清有吏幹因召見  
與語乾曜神氣清爽對答皆有倫序帝甚說之乃擢少  
府少監 孔帖曰張嘉貞有汲引之能所薦中書舍人

苗延嗣等皆位清要與議政事故當時語曰令君四俊  
苗呂崔員 又曰李白賀知章見其文歎曰子謫仙人  
也言於玄宗召見金鑾殿 冊府元龜曰李栖筠為御  
史大夫時河中少尹嚴郢召至京師元載言郢於代宗  
栖筠亦嘗薦延之帝曰郢方為元載所厚寧可信乎栖  
筠曰如郢材力陛下不自擇拔豈使為姦人用乎即日  
擢授河南尹 又曰李行修為殿中侍御史貞元中費  
冠卿及第歸而父母卒嘗恨不及榮養遂絕跡不仕元

和三年行修薦之授右拾遺 又曰後唐王濤為刑部

郎中大成二年上言請准建中舊勅文武常參官及刺

史上後三日舉人自代 合璧事類曰王旦疾久不愈

上令肩輿入禁中見於延和殿曰卿萬一不諱使朕以

天下事付之誰乎旦強起舉笏曰莫如寇準上曰準性

剛褊更思其次旦曰他人臣不知也歲餘卒用準 玉

海曰咸平四年二月祕書丞陳彭年請依唐故事新授

常參官朝謝日進狀舉官自代各隨所長具言其狀事



下樞密學士馮拯陳堯叟詳議請兩省臺官尚書省六  
品以上諸司四品以上授訖具表舉一人自代在外者  
三日內具表附驛以聞其表付中書門下籍名 事畧  
曰孫甫字之翰常從杜衍辟永興軍司錄衍為樞密副  
使又薦之得祕閣校理 合璧事類曰韓魏公薦歐陽  
公曰韓愈唐之名士天下望以為相而竟不用至今以  
為謗歐陽修今之韓愈陛下何不一試之以曉天下後  
世上從之 事文類聚曰呂正獻公著在穎逾年而歐

陽修為守修以為相家令子弟而未甚重也劉原父王深父君子也二人者皆寓潁公日與相從修等稍稍愛公之學識其後修入為翰林學士薦公文學行誼宜在左右 庖史曰呂許公夷簡聞包拯之才欲見之一日見班次有包拯名頗喜又問知居同里巷意以拯便於求見無幾報拯朝辭乃注一知縣而出尤奇之遽使人追還遂薦之除裏行 合璧事類曰虞允文為相懷袖有一小方冊目曰材館錄如汪應辰趙雄胡銓洪邁得

人之盛有慶歷元祐風 續文獻通考曰理宗寶慶三

年知江寧縣劉垕為政愷悌慈祥不擾而事辦制閫以

賢能薦於朝俾兼幕府 又曰明太祖洪武十五年吳

沉揭樞薦方孝孺學行上召見喜其舉動端雅曰此莊

士當老其才而用之遣還鄉尋以仇家得罪詞連孝孺

上識其名特令開釋 又曰憲宗成化十九年授吏部

聽選舉人陳獻章為翰林檢討獻章廣東新會人巡撫

廣東都御史朱永薦其學行可以追匹古人吏部移文

取至京欲考試職事獻章奏言母年七十有九乞放歸侍養一時推尊之

薦舉三

原登庸 亮采

尚書曰帝曰疇咨若時登庸孔安國傳曰疇誰庸用也誰能庶績順是事者將

登用之也

又曰舜曰咨四岳有能

方正

孝廉

上詳

奮庸熙帝之載使宅百揆亮采惠疇

第一條 武帝詔曰今詔書昭先帝聖緒令二千石舉孝廉所以化元元移風俗也

齋函

投

板 陳壽益部耆舊傳曰嚴羽字子翼仕郡功曹刺史辟為從事郡舉孝廉曰大士貢名下士貢身齋函貢身

非高士也 辭孝廉取吏部除無錫長 周斐汝南先賢

傳曰黃穆字子敬安成人也為郡主簿忠上率下朝廷

肅清太守荆寓舉穆孝廉乃薦讓殷仲才寓不聽遂懷  
板入見寓曰若仲才者六選之首也而穆先之適足以  
興謗議便投板於內出則  
卧病寓知不可移遂從之

利賓

充賦

周易曰觀國  
之光利用賓

于王 漢書晁錯

弓旌

蒲帛

逸詩曰翹翹車乘招  
我以弓尸子曰堯有

建善之旌 漢書曰以安車蒲輪

除吏

達賢

前漢  
田蚡

徵枚乘易曰東帛戔戔賁于丘園

傳云上初即位富於春秋蚡以肺腑為相非痛折節以  
禮屈之天下不肅當是時丞相入奏事語移日所言皆

聽薦人或起家至二千石權移主上上乃曰君  
除吏盡未吾亦欲除吏 下見黃石公三畧

八統

四科

周禮太宰以八統馭萬民三曰進賢四曰使能  
七曰達吏謂一舉勤勞之小吏也 漢書曰三

公辟召以四科取士一曰德行高妙二曰  
通經學三曰曉法令四曰剛毅多畧也

拔茅

采

非

易拔茅連茹以其彙征吉言賢人能進拔同類相牽引也詩采葑采菲無以下體

禹稱

漢詔

禹稱善人不善人遠矣稱舉也漢元朔元年詔曰十室之邑必有忠信三人並行厥有我師今或

闔郡而不薦一人是化不下究而積行之君子壅於上聞也且進賢受上賞蔽賢蒙顯戮古之道也

卧

龍展驥

蜀先主屯新野徐庶曰諸葛孔明卧龍也不可屈至將軍宜枉駕蜀志魯肅遺先主書

曰龐士元使處治中別駕之任始展驥足

隨牒

及門

漢楊興言於史高曰將軍所舉不過

門下賓客富貴在身烈士不舉是有狐白裘而反衣之平原匡衡才智有餘隨牒遠方高乃辟衡為儀曹吏

進士

薦白屋

揚紫庭

韓子曰趙武薦四十六人於其君及武之死也四十六人

皆就賓位其無私德者若此又曰趙武薦白屋之士管庫者六十家劉琨薦任尤文曰伏見別駕從事任尤

識量簡大執心貞固使尤得對揚紫庭必能撫  
翼霜露增崇台曜任蒙亮采以弘急賢之義

舉直

諫

進奇謀

上詳第一條 漢書曰魏無知既進陳平

受金漢王疑以讓無知對曰臣之所言者能也陛下所  
問者行也今有尾生孝已之行而無益於勝敗之數陛  
下何暇用之乎今楚漢相拒臣薦奇謀之士  
顧其計誠足以利國耳盜嫂受金安足疑也

貢天朝

薦宰相

虞預晉書曰何楨字元幹為弘農郡守有楊  
翼生為縣吏楨一見便待以不臣之禮遂貢

之天朝 趙穆別傳曰汲郡修武趙君年三十七四薦  
宰相不就 元康三年太守羊伊以為四科之貢宜盡國

美遂扶輿激  
喻以光歲貢

式百寮

化九服

後漢書曰尚書陳忠  
上疏薦劉愷曰伏見

前司徒劉愷頻歷三司舉動得禮以疾致仕進退有度  
百寮景式海內歸懷 何法盛晉中興書曰桓溫上疏

薦譙秀曰竊聞巴西譙秀植彩貞固抱德肥遯若蒙蒲  
帛之徵足以鎮靜顏風軌訓驚俗幽遐仰流九服知化

貢賢士 舉遺逸

鍾離意傳云揚州刺史夏君辟意  
云刺史得京師書問刺史何惜王

家之爵不貢賢士乃表上尚書舉為茂才  
逸臨豫州教云舉遺逸於山藪黜姦邪於邦國

不如

音 無如玄

漢書王鳳傳曰鳳病天子自臨問執其手  
垂泣曰將軍病如不可言平阿侯譚次將

軍矣鳳曰譚等雖與臣至親皆僭奢無以率導百姓不  
如御史大夫音敢以死保之 晉書謝玄傳云於時苻

堅強威邊境數被侵寇朝廷求文  
武良將可以鎮禦北方者無如玄

薦名士 恥舉主

魯恭為中牟宰薦名士王方帝即徵方與公卿所舉  
同 張儉字元節舉茂才以刺史非其人謝病不起

薦死節

抗孤士

張輔字孟侯為東郡守郡吏王青祖  
父與翟義同起兵攻王莽莽燒殺之



父隆為都尉功曹青為小吏與父俱從都尉遇賊隆以身全衛都尉死於難青亦被矢前太守以青有金瘡不舉輔歎其一門忠義遂薦青三世死節宜蒙顯異朱穆曰韓安國之操不能抗一孤士況其下乎

有

所試 無求備

如有所譽者其有所試矣 無求備於一人

丹墀珥筆

紫宮論道

杜預舉賢良方正表曰案蘇贊布行於草野著德於閭閻放心直意若得珥筆丹墀推訪

格言必有諤諤匪躬之節 陸雲薦張瞻文曰若得言論端委太學錯總藝文垂纓玉珮論道紫宮誠帝宮之

瑰寶清廟之偉器

增輝日月

垂光虹霓

司馬彪續漢書曰陳蕃胡廣上疏薦

徐孺子等曰伏見處士豫章徐穉彭城姜肱德行純備著於人聽若使擢登三事協亮天工必能翼宣威美增輝日月矣 孔融薦禰衡表曰伏見處士禰衡淑貞亮英才卓犖若得龍躍天衢鳳奮雲漢垂光虹霓足以

昭近署之多士  
增四門之穆穆

趙岐博古

胡旣至行

後漢趙岐傳  
趙岐字邠卿

京兆長陵人也初名嘉生於御史臺因字臺卿後避難  
故自改名字示不忘本土也岐少明經有才藝娶扶風  
馬融兄女融外戚豪勢岐常鄙之不與融相見仕州郡  
以廉直疾惡見憚魏志明帝詔舉中書郎吏部尚書

云云

刈其翹楚

遷於喬木

詩翹翹錯薪言刈其楚  
出自幽谷遷于喬木

處士薦人

將軍用士

符融公府連辟皆不應太守馮  
岱有名稱到官請融相見融往

薦達郡士

范甯韓卓孔仙三人因辭病自  
後漢祭遵為將軍取士皆用儒術

獨知陳寔

不薦衛鞅

鍾皓為功曹太守問誰可代曰西門亭長  
陳寔寔曰鍾君似不察人何獨知我詔

舉武猛士賀良無所薦上問之曰平生未嘗交士衛鞅  
因景監見人知其不終今士得臣舉亦非榮故不敢薦

之也 豈能無私 多所陳託 或問第五倫公有私乎對曰人有與我千里馬者雖

不受每三公有所舉送心不能忘亦終不用豈能謂無私 後漢杜密為北海相去官居潁川每謁郡守多所

陳託同郡劉勝字季陵亦自蜀郡告歸閉戶埽軌無所干及太守王昱謂密曰劉季陵清高士密知昱激已對

曰勝為大夫見禮上賓而知善不薦聞惡無言隱情惜已同於寒蟬是罪人也今密達力行之士不亦萬分之

一乎昱慙而服其言 進賢推士 顯忠遂良 鄭當時好進賢推士下見尚書

薦吏揚善 舉賢使能 漢書張湯為廷尉奏事薦吏揚人之善下見禮記

田光進荆軻 翟璜進樂羊 蘇丹子云光謂荆軻曰太子傾心於足下荆軻曰有

鄙志嘗謂心合意沒身不顧情有異一毛不拔 韓非子云翟璜薦樂羊守中山 桓範薦管

寧 山濤舉汜源

桓範表云使寧病不能乘養不猶羈  
麟栖鳳 山濤舉汜源為太子舍人

書曰源有德  
素久沈滯也

卻詵糾崔洪

周舉劾左雄

晉崔洪字  
良伯薦卻

詵為左丞詵後糾洪洪謂人曰我舉詵詵還奏我是挽  
弓自射也詵聞曰趙宣子舉韓厥為司馬以將法戮宣  
子之僕宣子曰可賀我矣崔侯為國舉才我唯法是視  
云云洪聞而重之 左雄薦周舉舉稱職後雄又舉馮  
直為將而直嘗坐賊受罪舉劾雄雄悅  
曰宣光以此奏吾乃是韓厥之舉也 以事以德以

言 待聘待舉待取

禮記或以事舉或以德進或以言  
揚 又曰儒有席上之珍以待聘

忠信以待舉  
力行以待取

有智謀諸將鮮及

有才義宰相之儔

東觀漢記鄧禹破邯鄲誅王郎 山公  
啓事云太尉掾滿奮司徒掾何勗云云

質直威重宜

備諫官

方毅廉直宜拜尚書

漢書張禹奏云司空掾彭宣云云後漢李固

云陛下之有尚書猶天之有北斗也北斗為天喉舌尚書亦為陛下喉舌北斗斟酌元氣運乎四時尚書出納王命賦政四海權尊勢重貴之所歸若不平心災眚必至誠宜審擇其人以毘聖政云云

旁求

上薦

推擇

搜揚

登庸羣材

允釐庶政

始以

名稱

終因事舉

道既日彰

賢亦歲貢

當側席

之求

膺及門之選

既升歌於鹿鳴

將接武於鴻

漸

請效禹稱善人

庶使衛多君子

人代天工雍

熙可致

賢為國寶仄陋必揚

君子於時實唯難進

主司取士亦不易知 稽諸虞典審九德而擇賢

考彼漢章懸四科而取士

增中條

嵩陽

冊府元龜曰李泌初

為陝州觀察時陽城隱於河東中條山下遠近慕其德  
行來學者相繼有爭者不詣官府詣城決之泌數禮問  
及為相舉為諫議大夫 又曰孔述睿隱於嵩陽好學  
不倦劉晏表薦述睿有顏閔之行游夏之學由是累授  
協律郎

守節 屬文

冊府元龜曰李晟為副元帥既平朱泚表舉守節不為泚所迫脅者

程鎮之等數十人 又曰梁張漢傑為控鶴指揮使薊  
門人陳乂少好學善屬文因避亂客於浮陽轉移於大  
梁漢傑延於松邱

表授太子舍人

金山

玉海

南史曰朱异涉獵文史兼通雜藝博士明

山賓表薦於梁武帝曰器宇宏深神表峰峻  
金山萬丈緣陟未登玉海千尋窺映不測

乞火

近水

漢書曰有客言於蒯通曰先生能知梁石君東郭先生何不進於相國通曰諾臣之里婦亡肉姑怒

逐之里母即束縵請火於亡肉家曰昨暮犬得肉爭鬪相殺請火治之亡肉家遽呼其婦歸臣請乞火於曹相

乃見相國曰東郭先生梁石君齊之俊士也隱居不嫁

未嘗卑節下意以求用願足下使人禮之相國曰敬受

命記纂淵海曰范文正知杭州蘇麟為屬縣在外邑

未見收錄賦詩曰近水樓臺先得月向陽花木易逢春

文正

長聲樂

工草隸

冊府元龜曰溫彥博貞觀初為中書令奏博州清平人呂

薦之

才聰明多能眼所未見耳所未聞一聞一見即達其妙

尤長於聲樂請令考之侍中王珪魏徵又稱才學術之

妙曰才能為十二枚尺長短不同各應律管無不諧韻

帝即徵才令直弘文館又曰張說為相以徐浩舉明

經工草隸以文學尤所器

重薦浩為麗正殿校理

王者師

太平相

冊府元龜曰蕭

所為左拾遺常與布衣張鎬友館而禮之表薦曰如鎬者用之為王者師不用則幽谷叟耳玄宗擢鎬為拾遺不數年出入將相翰苑新書曰李文正公嘗期王文本正旦必為相自小官薦進之謂其子弟曰此人後日必為太平

宰相

### 有武畧

### 堪諫職

冊府元龜曰張漸為中書舍人時南詔叛屢喪師漸

薦黔府督趙國珍有武畧習知南方地形國忠遂奏用之在五溪十餘年中原興師唯黔中封境無虞又曰

楊綰為吏部侍郎薦連水令

### 一聯詩

### 千慮策

玉壺清話

劉滋堪備諫職拜右補闕

曰五代李處顯德中舉進士工詩有云醉輕浮世事老

重故鄉人樞密使王朴以此一聯薦於知舉遂為第三

人續問奇類林曰宋虞雍公初除樞密偶至陳丞相

閻子內見楊誠齋千慮策讀徧歎曰東南乃有此人物

某初除合薦兩人當以此人為首陳導誠齋謁雍公一

見握手如舊誠齋曰秀才子口頭言一語豈可使信雍



公大笈卒  
援之登朝

# 巨源啓 蒙正囊

翰苑新書云正色拒公  
子之書奮筆作巨源之

啓 下詳夾

## 全樹盡借 卷簾與語

冊府元龜曰李  
義府舉進士劉

袋有冊注

洎馬周薦之太宗令詠烏援筆為詩曰上林多少樹不  
借一枝栖太宗喜曰當盡借卿全樹何止一枝也尋除

監察御史

又曰唐張循憲長安中為河東採訪使薦

蒲州人張嘉貞才堪憲官請以已秩官授之則天召見

垂簾與之言遽令卷簾與

## 甚難其選 素聞其名

冊府

語大悅擢拜監察御史

元龜曰朱敬則為鳳閣鸞臺平章事每以用人為先餘

細務不之視會嶺表蠻帥攻畧郡縣朝廷思得良守以

鎮之而甚難其選敬則曰司勳郎中裴懷古有文才將

畧即其人也遂以為桂州都督又曰後唐郭崇韜為

樞密使明宗拔鄆州得天平軍節度判官趙鳳送之於

莊宗崇韜素聞其名及見與語乃薦用為扈鑒學士

信厚善謀

謹重多識

冊府元龜曰後唐郭崇韜為樞密使征蜀將發上疏曰如

蜀川平定陛下擇帥撫臨信厚善謀事君有禮則北京副留守孟知祥有焉願陛下使之為帥如臣出征之後

宰相關人則鄴都副留守張憲有披荆草昧之勞為人謹重而多識其次則吏部尚書李琪御史中丞崔居儉

皆中朝士族富有文學陛下擇才相之

聰明多能

古今難匹

上詳長聲樂注

冊府元龜曰魏徵為尚書左丞貞觀初杜正倫直文學館徵表薦正倫以為古今難匹遂擢為兵部員外

荆山瘞壁

東海遺珠

劉子曰連城之壁瘞影荆山夜光之珠潛輝鬱浦玉無翼

而飛珠無脛而行揚聲於華章之臺炫耀於綺羅之側者蓋人之舉也唐書云狄仁傑調汴州參軍為吏誣

訴黜陟使閻立本召訊異其才曰仲尼觀過知仁君可謂滄海遺珠矣薦授并州法曹參軍

時務

之才

禦侮之任

冊府元龜曰劉審禮儀鳳初為工部尚書薦魏元忠有時務之才拜岐州

刺史

又曰張鎬玄宗時為左拾遺安祿山叛詔朝臣

舉才堪統衆者各一人鎬薦贊善大夫來瑱有縱橫才

畧臨事能斷堪當禦侮之任表入

即日召見拜潁川太守充招討使

顏閔之行

史

之風

上詳嵩陽注冊府元龜曰李延光梁末帝時以儒士侍講禁中李愚天復中避地河朔與延光客

於山東至是延光屢言愚之行高學瞻有史

高適好

魚遂瑗之風召見嗟賞久之擢為左拾遺

學渠牟涉覽

冊府元龜曰張九臯為宋州刺史時高適好學以詩知名佳句朝出夕徧人口

九臯表薦之

又曰韓滉為浙西觀察使時萬年人韋

渠牟年少警悟涉覽經史滉奏授試秘書省校書郎

即薦希顏

默識范理

合璧事類曰有范延賞者為殿直押兵過金陵張忠定公

為守因問曰天使沿路來見好官員否延賞曰萍鄉縣  
邑宰張希顏好官也公曰何以言之延賞曰自入縣境  
驛傳橋道皆完葺野無惰農至邑廬肆無賭博市易不  
爭宿郵中更鼓分明公大笑曰希顏固美矣天使亦好  
官員也即日同薦於朝續問奇類林曰明楊文定公  
溥執政時其子自鄉來省至京邸公問曰一路守令孰  
賢其子曰兒道出江陵令殊不賢曰云何曰即待兒苟  
簡甚矣乃天台范理也公默識之即薦陞德安郡守

夾袋有冊

几案置章

問奇類林曰呂文穆公夾袋  
有冊子每四方人替罷謁見

必問其有何人材客去隨即疏之悉分門類或有一人  
而數人稱之必賢也朝廷求賢取之囊中故公為相文  
武稱職又曰謝諫議泌名知人不安薦士知麗州日  
待鄧城知縣張逸特厚將薦之朝迺設几案庭中置章  
其上望闕焚香再拜曰老臣  
為朝廷得一能吏乃封上之

不進不休

不納不止

魏志曰荀令君之舉善不進不休 宋書  
曰劉穆之為丹陽尹凡所薦達不納不止

有可倚仗

多所獻納

續文獻通考曰宋寧宗嘉定初袁燮薦陸持之於朝謂其議論不為空言緩急有可

倚仗寧宗特詔持之祕書省讀書固辭不獲

又曰洪

武十七年御史秦元之薦金陵處士陳遇上召語大悅

遂日侍帷幄多所

蔡疑歎元亮

和凝奇張誼

山堂肆考

獻納命之官輒辭

曰宋李元亮抱才尚氣崇寧中處太學時蔡疑為學錄  
元亮輕之後疑守和州元亮過州不謁疑命駕先至其

館元亮以啓謝曰定館而見長者古所不然輕身以先

匹夫今無此事蔡嗟歎餉錢五十萬且致書延譽之於

諸公遂登科 經濟類編曰晉以和凝為端明殿學士

署其門不通賓客耀州推官張誼致書於凝以為天子

耳目宜知四方利病奈何拒絕賓

客凝奇之薦於桑維翰除左拾遺

習南方地形

知

邊境利害

上詳有武畧注 翰苑新書曰呂申公薦張載修身講學為關右士人師表且深知邊境

利害上特召對以

為崇文院校書 占對三十餘事

唯薦一二臺臣

續文獻通考曰遼聖宗獵雲中故事車駕經行長吏必有獻節度使進曰臣境無地產唯幕僚張儉一代之寶願以為獻先是上夢四人侍側食人二口聞儉名始悟召見訪及世務占對三十餘事由此寵遇特異 又曰明仁宗洪熙元年都御史劉寬王彭李素奏舉才能之士前應天府尹于潛等十餘人上曰卿大夫所舉必當昔孫抃言吾輔政無功唯薦一二臺臣無愧卿等必能如此 鶚薦一飛 馬價三

倍 生其羽翼

長其光價

宮商鑿下之焦桐

黼黻

黻溝中之斷木

杜衍用則所引皆知名輩

司馬相

則其徒有行道心 忠宣知人密傳先范老之法 晦

叔引類推廣大申公之心

翰苑新書

尺澤之鯢奮鱗而震

海 密網之鳥舉羽而翔霄

柳宗元文

識張籍於衆人慚

非輩行 問車師於半面辱記姓名 薦希文而用之

昉於元憲 援老蘇者衆矣倡則歐陽 范蜀公之封

章七輩皆為名勝 吕文靖之賓客三朝賴其儀刑

介為時論所喧雅見稱於永叔 軾陷深文之久獨受

薦於景仁

翰苑新書

翼靈鳳於蒼梧

起滯龍於潢汙

陸機

雲賦

薦舉四

原髦士

詩烝我髦士烝進也

秀士

士之秀者

不失善

善不可失

不失

德

舉不失德

得人

周書舉能其官唯爾之能所舉得人亦爾之能

擇人

務在擇人

三年一貢士

儀禮云纁二束帛五諸侯三年一貢士

三歲而貢士

鄭云大國

三人次國二人小國一人是也

貢於天子

禮記云古者天子之制諸侯歲貢士於天子

能舉其類

傳唯其善故能舉其類

舉賢置之

禮記禮器云先王尚有德尊有道舉

賢而置之

善治國家者其必管夷吾

國語云齊桓公使鮑叔牙為宰辭曰臣君



之庸臣也若善治國  
家者其必管夷吾乎

**不望其報**

禮記推賢而進達之  
不望其報其舉賢援

能有如此  
者援引也

**拔二盜**

管仲於羣盜中拔  
二人用之詳舉賤

**內舉不失親**

左傳晉囚叔向樂王鮒見叔向曰吾為子請叔向弗應  
出不拜人皆咎叔向叔向曰必祁大夫室老聞之曰樂  
王鮒言於君無不行求救吾子祁大夫所不能也叔向  
曰樂王鮒從君者也何能行祁大夫外舉不棄讐內舉  
不失親其  
獨遺我乎

**出淹滯**

趙宣子  
為政

**振廢滯**

**外舉不避讐**

呂氏春秋晉平公問於祁黃羊曰南陽無令其誰可對  
曰解狐可平公曰解狐非子之讐耶對曰君問可非問  
讐也平公又問曰國無尉其誰可對曰午可平公曰  
午非子之子耶對曰君問可非問子也國人稱善焉

**薦升公朝**

論語云公叔文子之臣大  
夫僎與文子同升諸公

**增百福之宗**

孔子

云夫舉賢者百福之宗而神明之主也

原抱玉朝君不如貢賢

琴操云史魚薦

蘆伯玉於靈公未用史魚有是言也

蘆桂因地不因而辛

新序云宋玉因其友以見

於楚襄王待之無異宋玉讓其友其友曰夫蘆桂因地而生不因地而辛婦人因媒而嫁不因媒而親子之事王未耳何怨於我

必欲爭天下非信無與計

漢書韓信傳蕭何聞信亡不及

以聞自追之人有言丞相何亡上怒如失左右手居一二日何來謁上上罵曰若亡何也對曰臣非敢亡追亡者耳上曰所追者誰曰韓信上復罵曰諸將亡者以數十公無所追追信詐也何曰諸將易得至如信國士無雙王欲長王漢中無所事信必欲爭天下非信無可與計事者

進羣盜

叔孫通專言羣盜壯士進

之弟子百餘人怨通通曰漢王方蒙矢石諸生寧能鬪耶

表賢

後漢書魯丕為州吏務在表賢

表能

荀悅漢紀夫立典有五志一曰達道二曰章法三曰一古今四曰著功勲五曰表能

有知

人之鑒

丙吉病上問誰可代君對曰杜延年明法度于定國執憲議詳平陳萬年惇厚於行後皆稱職

上以為有知人之鑒

喜立於朝陛下光輝

漢雜事云傳喜為右將軍傳太后預政事

喜數諫之后不悅喜上印綬司空何武尚書唐林上書云云

薛宣達於從政

漢書谷永

上書薦薛宣云御史大夫內承本朝之風化外佐丞相統理天下任重職大竊見薛宣云云

將軍

所舉得人

漢書馮奉世傳云先時漢數出使西域多辱命不稱或貪汚外國所苦時選可使外國者

前將軍韓增舉馮奉世奉世進擊莎車攻拔其城諸國悉平威震西域乃罷兵以聞宣帝召見增曰賀將軍所舉得其人

陳平須魏倩韓信賴蕭何

見張敞與朱邑書

利見顯

衝必能騰跳天路

東觀漢記楊文薦張道順云云

寇恂文武備足

東觀

漢記曰更始大司馬朱鮪在雒上欲南走河內難其守問鄧禹禹曰寇恂文武備足有牧民禦衆之才

桓譚才學洽聞

東觀漢記宋弘薦云

推賢士

後漢劉隗傳隗崇節儉罷力役推進

天下賢士置之幕府故天下復安

秉節持重有不可奪

東觀漢記云杜詩云竊見

大司徒伏惠公篤信好學云云

周樹服勤請宜部職

鍾離意別傳云意為功曹非周

樹白事誕欺朝中皆知意心恨列署首曹議者必以為報樹也中部平允缺意牒曰賊曹史周樹服勤守法請

宜部

薦之府門

先賢傳

貢之宰相

荀爽云陳季方才能秀出超世逸羣

金相玉質文章虎變也

陳雷讓舉

後漢雷義字仲公舉茂才讓於陳重刺史不聽義遂佯狂

被髮走鄉里曰膠漆固謂堅不如雷與陳

**鄧攸辭舉**

鄧攸字伯道祖父殷有賜官勅攸受之後

太守勸攸官欲舉為孝廉辭曰先人所賜不可改之

**歸以公相之位**

海內先賢傳云鍾皓

字季和為功曹太丘陳寔為西門亭長曾辟公府皓曰寔為海內高名在位之臣歸以公相之位

**俊**

**造**

俊士造士也

**揚歷**

魏王基舉管寧曰優賢揚歷注揚其所能而歷試

**性與道**

**合思若有神**

見孔融薦禰衡表

**使衡立朝必有可觀**

孔融薦禰衡云

**薦良能**

吳志華覈傳云覈前後陳便宜及貢薦良能解釋罪過書百餘上皆有補益

**魯**

**肅才宜佐時**

吳志周瑜薦魯肅才宜佐時以成功業不可令去

**舉無失才**

王隱

晉書云山濤為吏部舉選周徧百官舉無失才所奏題目時稱山公啓事

**裴楷王戎皆其**

選也

晉書裴楷傳云吏部郎闕文帝問其人於鍾會會曰裴楷清通王戎簡要皆其選也

鄧殷

道識文武

山公啓事云太尉長史鄧殷云云

侍衛崇尹皆宜

山濤云太子左

率侍衛宜威重石

郭奕王濟誠亮美才

山濤云雍州刺史郭奕右

崇孫尹皆其人

衛將軍王濟皆誠

清真寡欲物不能移

世說新語山公舉阮咸為

亮有美才云云

吏部郎中曰清真寡

果勁不撓宜為御史

山公啓事云孔顥有

欲萬物不能移也

才能果勁

羊祜秉德可久其事

山公啓事云太子少傅羊祜秉德能克已

不撓云云

復禮

賀循才鑒清遠

晉書賀循傳著作郎陸機上疏薦循云伏見武康令賀循德量

云云

邃茂才

敦風篤俗邃學弘達

文士傳云張華薦成公綏曰竊見東都處士成

鑒清遠

公綏云云

器識朗拔誠可洗馬

陸機薦郭納云伏見承陽令郭納風度簡曠云云

東南之遺寶宰相之奇璞

陸機薦戴若思文

廣得才之路

山簡字季倫領吏部上疏請公卿各舉所知廣得才之路每聽政日令公卿先議選舉各言所見鄉邑尤異者皆以名奏主者隨缺先叙是爵人於朝與衆共之義朝廷從之

生廡養門拔羣特

立嵇含與羊平書云處士生廡養門云云

按以千里之路

應璩薦賈琳云

確

然難動社稷之節

桓範薦徐宣云竊見尚書徐宣確然難動有社稷之節帝以宣為右僕射

紆迹儒冠必足弘振禮樂

王珣啓云國子博士戴逵遠舉素業守約瑜淳若使

紆迹儒冠必足弘振禮樂

為世表儀宜備司空

典畧

得人歡心任

為大將

王朗云幽州刺史王雄少有令節長涉通變天性仁勇果毅有畧云云

魯瑬之

遺英楚和之祕曜

王鑒薦丹陽馮訪

非常之才

不次之用

增名臣子

冊府元龜云房瑄為相時嚴武為侍御史肅宗興師靖難大收才傑武仗節赴行在

瑄以名臣之子素重之乃首薦才畧可稱累遷給事中

舉真卿自代

又云劉晏為戶部侍

郎判度支時顏真卿以正直出為利州刺史晏舉真卿自代焉

丘園茂異

又云韋夏卿為蘇州

刺史扶風竇羣以處士隱毘陵著書號古今名臣畧三十卷夏卿以丘園茂異薦之拜左拾遺

有氣

義

又云韋臯為西川節度使西河人段文昌家於荊州惆悵有氣義裴胄知之而不能用臯在蜀表授校書

郎

魏徵之後

又云楊汝士為同州刺史入朝薦防禦判官魏謩為右拾遺文宗以謩魏徵之



後頗奇待之

**射魯縞**

韓愈薦士詩云青雲送吹噓強箭射魯縞

**文章之尤**

又與

陸員外書云文章之尤者有侯喜侯雲長

**不叩而響**

柳宗元書云不叩而響不介而合

**如帆得風**

李翱文云汲引之患如帆得風

**起學廬講授**

孔帖云李滋客荆郢間起

學廬講授建中初黜陟使趙贊薦於朝起處士授試校書郎

**天與貞孝**

唐李德裕薦李源表

曰處士李源即故禮部尚書愷之少子天與貞孝嗣茲忠烈以父死國難衰縈終身絕心祿仕多依慧林佛寺以其本愷別業隨僧一食不舉煙爨以至五十餘年伏乞就授一官召赴京闕

**推轂士**

孔帖云于

休烈樂賢下善推轂士甚衆

**博通六經華皓一志**

問奇類林曰唐李俗薦師疏云

前試宣州溧水縣尉胡震博通六經華皓一志臣童幼之時從震授業豈謂年踰四紀位列二公雖自君恩亦

欽定四庫全書

稽古錄卷一百四十

三

由儒訓幸國家  
舊事輒敢薦聞

文武兼備

山堂肆考曰唐韋處厚字德載敬宗時為學士上嘗

悅歎宰相輔非人使先賊熾肆處厚上疏曰裴度元勳巨德文武兼備若位巖廊委參決必能使戎虜畏威幽鎮

稱臣帝感悟於是

碧鮮賦

問奇類林曰五代時庖載有文名常遊相國寺見庭

復度兼平章事

竹可愛作碧鮮賦題壁間周世宗命小黃門錄進覽之稱善王朴尤重之薦之宰相李穀乃拜知制誥為學士

宜薦范仲淹

東都事畧云晏殊薦一士為館職王曾謂殊曰公知范仲淹捨不薦而他薦乎

公宜更薦范仲淹也殊從之遂用為祕閣校理

司馬光而下三十三人

事文類聚

云陳襄字述古號古靈先生紹聖初詔曰近得陳襄薦章起司馬光而下三十三人德行言語政事皆所具備

審如所薦斯為盛矣  
宜示百辟各舉所知

願先錡

又云劉錡與李常友善發運使楊佐欲薦常改

官常願先錡佐曰不見此風久矣並薦之

### 好古嗜學

彙苑詳注云文彥博薦韓維好古嗜學安

於靜退

### 激勵風俗

又云歐陽公嘗患士大夫少高退之節乃薦正獻公及張唐公王荊公韓

持國欲以激勵風俗

### 煩刻畫

歐陽修詩云無鹽煩刻畫寒谷借吹噓

### 王佐才

山堂

肆考曰宋雷簡夫在雅州蘇洵往見之簡夫謂曰子王佐才也薦之於張方平與韓琦歐陽修三人延譽如不及

### 自矜顏色

曾慥詩話云王荊公薦一二寒士位侍從初無意於大用也公去位後遂參政

公作詩云本種酴醾架金沙只謾栽自矜顏色好飛度臘前開

### 薦行人為御史

續文獻通

考曰宣宗宣德元年楊士奇薦行人王翱為山東道御史

### 薦舉五

原詔魏明帝詔曰世之質文隨教而變兵亂以來經學

廢絕後生進趨不由典謨豈朕訓導未洽將進用者不  
以德顯乎其令郎吏學通一經才任牧民博士策試擢  
其高第者亟用其浮華不務道本者皆罷退之 梁任

昉命薦士詔曰夫進賢茂賞蔽善明罰前王盛則咸必  
由之朕纂統鴻業寅畏大寶思求俊異協贊雍熙歷聽  
九功物色輿阜而白駒盈谷萑楚未刈所以臨朝永歎  
日晏伊佇便可博詢卿士各舉所知將量才授能擢以

不次庶同則哲之明稱朕急賢之旨 陳江總舉士詔

曰堯施諫鼓禹拜昌言求之異等久著前冊舉以滯淹  
復聞昔典斯乃治道之深規帝王之切務朕以寡昧不  
承洪緒未明虛已日旰興懷萬幾多紊四聰弗達思聞  
謇諤採其默語王公以下各薦所知傍詢管庫爰及輿  
阜一介有能片言可用朕親加聽覽佇茲啓沃 增唐  
太宗貞觀十五年詔曰朕遐觀前載歷選列辟莫不貴  
在得人崇茲多士猶股肱之佐元首辟舟航之濟巨川

構大厦者採衆材於山嶽善爲國者求異人於管庫得  
士則昌失人則亂朕凝旒夙夜虛心政道雖天地效祉  
宗社降靈區宇晏如俊乂咸事尚恐山林藪澤藏荆隋  
之寶卜祝屠釣韜蕭張之奇是以躬撫黎庶親觀風俗  
臨河渭而佇英傑眺箕顓而懷隱淪亟移日月空勞夢  
寢而彫龍莫兆商歌寂寥豈混迹駑駘未逢良樂之顧  
將毓德巖穴方追禽尚之遊望雲長想增其歎息可令  
天下諸州披揚所部士庶之內或識達公方學綜今古

廉潔正直可以經國佐時或孝悌淳篤節義昭顯始終  
不移可以敦風厲俗或儒術通明學堪師範或文章秀  
異才足著述並宜薦舉具以名聞庶獨德之夫不遺於  
版築藏器之士方升於廊廟務得奇偉稱朕意焉 又

二十年詔曰高明之天資星辰以麗象博厚之地藉川  
嶽而成形況於帝王體元立極臨馭萬物字養生靈者  
乎是以馭朽臨冰銘心自戒宵興旰食側席思賢庶欲  
博訪丘園搜採英俊弼我王道臻於大化可令天下諸

州明揚側陋其有服道棲仁澄心礪操出片言而標物  
範備百行以綜人師質高視於琳琅人不間於曾閔潔  
志丘園揚名里閭或甄明政術曉達公方稟木鐸於孔  
門受金科於鄭相奇謀開發明畧可以佐時識鑒清通  
偉才堪於幹國或含章傑士命世挺生麗藻適文馳楚  
漢而方駕鉤深覩奧振梁苑以先鳴業擅專門詞高載  
筆或辨雕春圃談瑩秋天發研機於一言起飛電於三  
寸蓄斯奔箭未遂揚庭並宜推擇咸同舉薦以禮將送



具狀表聞庶使焚林之舉咸矯翼於巖廊尺木之堦方振鱗於遊霧

增制唐賈至詔天下搜賢俊制曰朕聞惟理亂在庶官是以先王旁求俊彥思皇多士以倡九牧阜成兆人朕以薄質嗣守大寶冠戎未殄王業維艱兢兢乾乾日慎一日緬維堯舜求賢之意周公吐握之義思欲廣進髦乂輔寧邦家實賴公卿大夫弘我視聽易曰方以類聚語曰舉爾所知凡宰相王臣宜加搜擇其常參官及郡

縣長史上佐等皆從歷試而踐通榮如各知其密行異  
能博學深識才堪濟代術可利人名不彰聞位不充量  
湮淪屠釣流落風波者一善可錄便宜公舉遠則裁表  
附驛近則進狀奏聞勿避親讐無限儕伍其有獨負奇  
才未逢知己即仰投匭并所在陳狀自論長官登時與  
奏夫惟薦士非止一舉永為恒典有即登聞昔荀桓子  
立翟之功士伯受爪衍之邑柳下惠賢而不舉臧文仲  
被竊位之名春秋書之千載不朽凡百在位可不勉與

原教宋孝武臨徐兗二州搜揚教曰徐方地兼梁楚秀  
士攸出兗土樂頌所流風禮自古豈不異人比肩鴻才  
世及或疎散山林不聞進達或栖息閭閻懷寶待耀孝  
性義門明經善政者所在搜揚舉進咸用名聞 梁王  
僧孺至南海郡求士教曰是以文舉下車寤夢於根矩  
長孫入境明發於龍丘此境三閩輿壤百越舊都漢開  
吳別分星畫部風序泱泱衣簪斯盛其川岳所產豈直  
明珠大貝桂蠹翠羽而已哉孝寔人經則有羅威唐頌

學惟業本又聞陳元士變至於高尚獨往相望於崑巖  
懷仁抱義繼蹤於前史

原表後漢班固為第五倫薦謝夷吾表曰夷吾才兼四  
科行包九德奉法智察有召公之風居儉履約紹公儀  
之操雖密勿在公身出心隱不徇名以求譽不馳騫以  
要寵誠社稷之著龜大漢之薨棟宜當拔擢使登鼎司  
願乞骸骨更授夷吾 蔡邕薦皇甫規表曰昔孝文愠  
匈奴之事思李牧於前代孝宣憤姦猾之不散舉張敞



觀帝室皇居必蓄非常之寶 魏曹植自試表曰士之

生世入則事父出則事君事父尚於榮親事君貴於興  
國故慈父不能愛無益之子仁君不能蓄無用之臣夫  
論德而授官者成功之君也量能而受爵者畢命之臣  
也故君無虛授臣無虛受虛授謂之謬舉虛受謂之尸  
祿昔二虢不辭兩國之任其德厚也旦奭不讓燕魯之  
封其功大也今臣無德可述無功可紀上慚玄冕俯愧  
朱紱西有違命之蜀東有不臣之吳使邊境未得脫甲

謨士未得高枕而高鳥未挂於輕繳淵魚未懸於鈎餌  
者恐鈎射之術或未盡也夫君之寵臣欲除患興利臣  
之事君必殺身靜亂以功報主也如微才弗試沒世無  
聞徒榮其軀而豐其體生無益於事死無損於數虛荷  
上位而忝重祿禽息鳥視終於白首也嘗恐先朝露填  
溝壑墳土未乾而身名並滅冀以塵霧之微補益山海  
螢燭末光增輝日月 又表曰五帝之世非皆智三季  
之末非皆愚用與不用知與不知也夫相者文德昭者

也將者武功烈者也文德昭則可以匡國朝叙百揆稷  
契夔龍是已武功烈則可以征不庭廣邦境南仲方叔  
是矣昔伊尹之為滕臣至賤也呂尚之處屠釣至陋也  
及其見舉於湯文誠道合志同豈復假近習之薦因左  
右之介哉昔騏驎之於吳坂可謂困矣及其伯樂相之  
孫子御之形體不勞而坐取千里伯樂善御馬明君善  
御臣誠任賢使能之明效也昔段干木修德於閭閻秦  
軍為之輟攻而文侯以安穰苴授節於邦境燕晉為之



退師而景公無患皆簡德尊賢之所致也願陛下垂高

宗傳巖之明以顯中興之功殷襄薦朱倫表曰蓋聞

虞書非俊乂無以光帝載西伯非髦士無以開王業是

故高世之主必廣登命之禮有為之君務通賢者之路

所以成大治也切見同郡朱倫字文信天真清亮雅性

忠篤純粹足以激清源美行足以廣風俗當仁不讓見

得思義疏達之才強記博聞飛辭抗論駱驛奇逸誠當

世之俊異一時之秀出也如得毗佐銓衡翼亮右曹濟

濟之觀足用華國 晉庾亮薦翟陽郭翻表曰蓋聞舉

逸拔幽帝王之高事旌德禮賢治道之所先是以西伯  
標渭濱之伏而帝基以隆漢高延商洛之隱而王道以  
固仄陋無明敷之稱空谷廢白駒之詠恐千里之足屈  
於槽櫪之下贊世之才委於壟畝之間若解其中褐服  
以纓冕必能奮贊皇極敷訓彝倫 梁元帝薦鮑幾表  
曰旌蒲出魯賁帛歸齊頌聲既興盛業斯在幾忠公抗  
直出宰廉平將齊毛玠古人之服實同吳隱酌水之廉

臣才非往哲識愧前修輕塵聽覽伏待鈇鉞 沈約薦

劉粲表曰陛下則天開業冠帶要荒輜軒韋轂交軫於  
遐路捨築投竿相望於魏闕或以開圻未採管庫遺賢  
執戟忘疲倚輶不息 又舉胡元秀表曰竊惟經邦御

遠雖待大賢摧鋒犯鏑亦資小用伏見錢塘新城主胡  
元秀早歲驅馳意幹強果矛盾之用氣凌百夫若置之  
六師之間處之一旅之上必能前奮曠敵却沮強胡臣  
實弱懦不窺武節昧罔輕言伏懷悚懼 劉孝儀為江

僕射禮薦士表曰陛下緝禮裁樂化俗移風當宸思治  
分宵夢想枯岸之珠既掄潤山之玉已薦伏見兼太學  
博士會稽賀瑒字德璉幼能斧藻長則琢磨結卷就賢  
擔簦來學鄉塾染其丹采朋友扣其洪鐘聲無愧於東  
筠材有踰乎西杞如使聯事宗伯握蘭建禮庶用得其  
才人知自勗臣鑒非止水職豫搜揚前竭謏聞先自鄉  
曲又為江侍中薦士表曰臣聞天道不言資寒暑而  
成歲宸居垂拱寄守宰以宣風若夜魚不欺朝琴在奏

則殘殺自去汾射可追伏見鎮北府水曹參軍濟陽江  
興字休恭立身貞白操業清廉頗涉書記彌嫻刀筆前  
攝縣沮漳無傷錦製巡行淮海不忝繡衣若處以百里  
之邑使導一鄉之賦必能治文無害迄用有成臣舉不  
避族非欲異姓居後知人為難實緣所悉而薦北齊  
邢子才為李衛軍疾以國子祭酒讓東平王表曰臣聞  
運舟歸於積水致遠在於逸足未有涓澮之流可成奔  
飛之用駑蹇之乘而有沒滅之功既列趙衰先人之敏

請同虞丘退身之義具官臣某民望時宗聲實攸在斧

藻川流雕篆霞蔚蕉蒲既茂枝葉實繁故以學窮齊魯

聲高梁魏詔美司朝僉諧允在伏願迴恩徙授以答具

瞻 增唐柳宗元為王戶部薦李諒表曰臣聞知賢必

進忠臣之多方擇善而舉明主之要道況臣特受恩遇

超絕古今報國之誠寤寐所切是敢竭愚臣之微分助

陛下之至明恢張羽儀弘輔理化竊見新授某官李諒

清明直方柔惠能信強以有理敏而甚文求之後來畧

無其比伏望天恩授以諫官使備獻納冀他日公卿之任斯焉取斯則聖朝無乏士之名微臣緩蔽賢之罰

原啓齊王融求試效啓曰臣聞春鷓秋蟀集候相悲露木風螢臨年共悅夫惟動植且或有心況在生靈而能無感夫君道含弘臣術無隱翁歸乃居中自是充國曰莫若老臣切慕前修敢蹈輕節雖冒不媒之鄙式罄奉公之誠抑又唐堯在上不參二八管夷吾恥之臣亦恥之梁元帝啓東宮薦石門侯啓曰切以鳳鳴朝陽必

資藍田之寶龍門點額亦俟棠溪之珍是以紫玉見稱  
黃金為貴文傳夢鳥學重靈蛇點漆凝脂事逾衛玠渾  
金璞玉才匹山濤昔翟陽隱逸見稱庾亮陳平器局被  
薦無知以人廢言誠增竦驚進賢上賞伏待慈照 丘  
遲答舉秀才啓曰方今八友盈庭五丞在幄七教畢修  
九功具舉猶乃物色闕屠夢想巖釣故已天不愛寶野  
無遺賢輒仰宣皇猷俯罄愚蔽覘察衡閭詢事茅草如  
有片言入善一介可題謹聞絳闕恭奏青蒲



原賤魏應璩薦和慮則賤曰璩聞唐堯因羣士以興治  
齊桓假衆能以定業是故八賢進則太平之化成六賢  
用則九合之功立竊見同郡和模字慮則質性純粹體  
度貞正履仁蹈義動循軌禮方今海內企踵欣慕提髮  
之德山林投褐思望旌弓之招實英奇叙用之時賢達  
進致之秋也今夜光之璧顯價於和氏之肆千里之足  
定功於伯樂之庭庶有以宣明大道光益時化 又薦  
費禕賤曰璩聞景雲浮則應龍翔治道明則俊乂臻是

故良哉之歌興於唐堯之世多士之頌起於周文之朝

晉孫楚薦傅長虞牋曰楚聞騏驎不遺能於伯樂良  
寶不藏耀於卞和是以輝光夜射價連秦趙飛駟絕影  
終朝千里物尚有之士亦宜然 庾闡薦唐安牋曰盖

桂林生於五嶺杞梓出於南荆夫以卉木之盛猶載在  
方志況千里之朝懷其良彥而使人滯於常流莫登於  
龍津者乎郡功曹史泉陵唐安字永延履道敏素和而  
有正立身持操行著一邦若得駟軌鸞衡服褰駮足則

機石之良選可以對揚萬里者也

增狀唐白居易薦韋楚狀曰右件人隱居樂道獨行善  
身歛跡市朝息機名利況家承簪組兄在班行而楚獨  
棲山卧雲練氣絕粒滋味不接於口塵埃不染於心二  
十餘年不改其樂志齊箕潁節類顏原縉紳之間多所  
稱歎臣為尹政理合薦論雖飛鴻入冥自忘飲啄而白  
駒在谷亦貴繫維倘蒙寘彼周行縻之好爵降羔鴈之  
禮命助鷕鷖之羽儀足以厚貞退之風遏躁進之俗

李商隱為鹽州刺史奏舉李孚判官狀曰右件官克生  
公族早履宦塗器實幹時辯能專對加之夙明韜畧久  
逐旌旃頃為知己屈從吏議許休文之流浪萬里非賒  
王仲宣之播遷三年未遇儉而不懟困且能通雖何恤  
於無家良可悲其絕籍去歲以維新之命大洽鴻私亦  
既旋還合從叙用開成五年以注右威衛倉曹參軍授  
官未謝又蒙挾名除替初云牽復仍迫屢空京口劉生  
方思薦炙洛陽蘇子已敝貂裘方今崇唐堯敦厚之恩

推魏文光榮之旨豈令棄良材於散地化王孫為旅人  
臣素乏器能叨膺任使控綠池之要地守清澤之堅城  
將以宣布威靈彈壓氛祲苟咨謀失所佐理非材豈惟  
墮此軍聲抑且傷於朝寄臣深自計享實當仁況又得  
於諸宗且兼通舊諸葛均有因依之分龐士元多鑒裁  
之恩是敢輒黷宸堦乞榮賓席使得盡其風力佐彼邊  
陲雖處平原之囊必將脫穎劒拭華陰之土粗雪幽沉  
請依資賜授一官充臣防禦判官

原書漢張敞與朱邑書曰明主遊心太古廣延茂士此  
誠忠臣竭思之時也值敞遠守劇郡馭於繩墨胸臆約  
結固無奇矣足下以清明之德掌周稷之官昔陳平雖  
賢須魏倩而後進韓信雖奇賴蕭何而後信故士各達  
其時之英雋若必伊尹呂望而後薦之則此人不因足  
下而進矣 魏阮籍與晉文王薦盧播書曰是以八士  
歸周周道以隆虞舜登庸元凱咸事誠以鄧林昆吾翔  
鳳所棲懸黎和肆垂棘所集伏見鄆州別駕盧播字景

宣耽道悅禮仗義依仁研精墳典升堂覩奧若得佐時  
理物則政事之器銜命聘享則專對之才潛心圖籍文  
學之宗敷藻載述良史之表

欽定四庫全書

欽定淵鑑類函  
卷一百四十

御定淵鑑類函卷一百四十